



सानसेयारि 'बड'सा' खैरालाइयाव समाजयारि जिउजो लोखा थावाय रायथाय, खन्थाय, खल', खल'बाथा आरु दावबायारि थावनि, पार्क बाइदिनि सायाव लिखनाय लिखिबां देथाय हर/ सानसेयारि 'बड'सा' खैरालाइया खेवखानाबि फोखावगेल।

बड'सायाव लिखनायनि हुबा खालाम, 'बड'सा' खैरौथि, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमाल लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 18 November, 2024 Kokrajhar, BTC, Assam ★ Vol.-34, Issue No.231 R.N.I.Regd.No.40994/91, Assam Govt.Regd.No.IPRD.40/2006/3, ★Rs.8/-

बरबरिआव पुलिसआ गंसे नखाय स'नानि नावजो लोगोसे सानै फालांगिरि हमदो

मुसलपुर, 17 नभेम्बर: बाक्सा जिल्लानि बरबरिआव पुलिसा सानै नखाय स'नानि फालांगिरिखो हमनो हायो। हमनो हानाय सानै नखाय स'ना फालांगिरिखो फारियै तामुलपुरनि बरबिलानि बहुत आलि (22) आरो नलबारि घघापरनि आलियानि मुजिबुर रहमान (80) होनानै सानायथिदो। बाक्सा जिल्लानि उफ्रा पुलिस बिबानगिरि गितार्थ देव शर्मनि दैदेनायाव मोनसे पुलिस हान्जाया सिप्रोमनाय हाबाफारि लानानै (□ 6 बिलाइआव)

कक्राझारआव एन सि सि हाफ माराथन खुंदो

बड'लण्डआव गेलेमु आरो दावबायथायखौ जौगाहोनायाव जाफुंसारनायखौ बाखनायदो मन्थि गार्ल'साआ

कक्राझार, 17 नभेम्बर: बिटिआरनि थाखाय मोनसे जारिमिनारि बुब्लि, कक्राझारआव नेशनेल केडेट कर्पस (एनसिसि) आरो बिटिसिनि गेलेमु आरो लाइमोन अन्साइ बिफाननि जुथायै बान्जायनायाव दिने गिबि खेबनि थाखाय माहारियारि थाखोनि हाफ माराथन खुंनय जाययो। 'केडेटफोरजो खारनाय, गोजोननि थाखाय खारनाय' आयदाजो खुंनय, बे हाबाफारियाव हादतनाडेनो बाहागो लागिरिफोरखौ बोनानै



खौसेथि, गोजोन आरो गेलेमुआरि गोहोखौ फालिनाय जादो। कक्राझार एनसिसि हाफ माराथनखौ साइ स्टेडियामाव खुंनय जायो, जेराव मोनथाम थाखो- 21 किल'मिटर, 10 किल'मिटर आरो 5 किल'मिटर - होवा आरो हिन्जाव मोननैबो एथलिटफोर बाहागो लायो। बे हाबाफारियाव मुंदांघा गेलेमु सुबुंफोर आरो सेलिब्रिटी एथलिटफोरनि बाहागो लानाखौ नुनो मोन्नाय जादो, जाय ओन्सोलाव गेलेमुनि फारसे बालानाय गोसो गुदुखो दिन्थियो। (□ 6 बिलाइआव)

मणिपुरनि हिंसायारि जाथायनि सायाव गिदिर जथुम खुंदो

अमित शाहआ महाराष्ट्रआव बिसायख 'थि रेलिखौ दोनथ'नानै दिल्ली फैफिन्दो

गोदान दिल्ली, 17 नभेम्बर: मणिपुरआव जानाय हिंसायारि जाथाय आरो जेनाखौ नोजोर होनानै मिरुनि नख'र मन्थि अमित शाहआ महाराष्ट्रआव गावनि बिसायख 'थि रेलिखौ दोनथ'नानै दिल्ली गिदिबोफिनो। उनाव, शाहआ मणिपुरनि थासारिखौ नायबिजिरनो थाखाय नख'र बिफान आरो रेखाथि बिफानफोरनि गोजौ थाखोनि बिबानगिरिफोरजो मोनसे सावराय मेल जथुमो आरो गोदान हिंसाखौ होबथानो आरो जेनाखौ दवथायनो थाखाय गोनाथार राहा लानो बिथोन होयो। मणिपुराव हिंसानि जाहोनाव



एनपिपिआ बिजेपि दैदेनाय सरकारनिफ्राय मदद होनायखौ बोखारिफिन्दो। थांनय सानब्रैयाव, मिरुनि नख'र मन्थि बिफाना मणिपुरनि गुबुन ओन्सोलफोराव

आफस्पा (आर्मड फर्स स्पेसियेल पावार एक्ट) बाहायगासिनो दं आरो रेखाथि गोहोफोरखौ हिंसाखौ होबथानो

थाखाय नांगौबादि राहा लानो बिथोन होगासिनो दं। शाहआ समबारआव मणिपुरनि (□ 6 बिलाइआव)

मानासयाव बिमाजो लोगोसे मोसा फिसाफोरनि सावगारिआ दावबायारिफोरनि गोसो मोजां मोनहोदो 'मानासयाव मोसानि अन्जिमाया बांदो'

भबानिपुर, 17 नभेम्बर: वर्ल्ड हेरिटेज साइट मानास माहारियारि पार्कआव आधिखालाव हादत-गुबुन हादतनि दावबायारिफोरजो लोगोसे बुंफवनाय समावनो मासे मोसा बिमाजो लोगोसे मा 3 मोसा फिसाफोरनि मोनसे सावगारिआ दावबायारिफोरजो लोगोसे मानासनि बिबानगिरि, मावसुमा, मिथिंगा अन्सायगिरि राइजो-राजाफोरनि गोसोखौ मोजां मोनहोदो। मख'नो गोनादि, थांनय हराव मानास माहारियारि पार्कनि भुजापार रेन्ज ओन्सोलायाव रेन्जनि माव



बिबानाव थानाय हाग्रा बिबानगिरि आरो हाग्रा मावसुमाफोर हाग्रा गेजेराव मासे बिमा (मोसा बुन्दि) बिमाजो

लोगोसे गुबुन मा 3 मोसानि फिसाफोरजो गासे मा 4 मोसाफोरा थाखोमानानै थांलाय-फैलाय

खालामनायखौ नुनो मोनो। लोगो-लोगो-हाग्रा मावफारियाफोरा हाग्रायाव थांलाय-फैलाय थाखोमानानै थानाय मोसा बुन्दि बिमाजो लोगोसे मोसानि फिसाफोरखौ केमारायाव सेबखंदो। मोसानि बिमा आरो मोसानि फिसा मा 3 नि भिडिअ, दिदोम थानाय सावगारिफोरा समाजयारि बिजोडव जोबोद फोसावजानानै मिथिंगा अन्सायगिरिफोरनि गेजेराव नुथायखौ गोसो मोजां मोनायखौ नुनो मोन्नाय जादो। मख'नो (□ 6 बिलाइआव)

नलबारिनि कहुवा रिजर्टयाव हाग्रानि मैदेर फालोआ गोबां ख'हा खालामदो



गुवाहाटी, 17 नभेम्बर: नलबारि जिल्लानि सा-ओन्सोलायाव थानाय कहुवा रिजर्टयाव हाग्रानि मैदेर फालोआ गोबां ख'हा खालामदो होना मिबिथिनो मोन्नाय जादो। गासे मा 80/100 हाग्रानि मैदेर फालोखौ सरासनन्ना राइजो-राजाफोर गिखाना थानो गोनां जादो। नलबारि जिल्लानि सा आरो सान्जा ओन्सोलायाव जर'खायै धनतला, सैनै, कट्या, (□ 6 बिलाइआव)

उदालगुरि जिल्ला आइन सिबिथाय बिफाननि बान्जायनायाव फोरेंथाय बादा खुंदो

उदालगुरि, 17 नभेम्बर: उदालगुरि जिल्ला आइन सिबिथाय बिफाननि बान्जायनायाव उदालगुरि बिजिरसालियाव 16 नभेम्बरनिफ्राय 18 नभेम्बर, 2024 अक्टखालि एन ए एल एस ए (नालसा)नि 'गथ'सानि थाखाय गथ'सा लोगोयारि आइन सिबिथाय, बिथांखि 2024 नि सिडाव गथ'सानि थाखाय आइन सिबिथाय आफद दानाय आरो सानै नाडे बायदि बिथि-लामा दिन्थिनाय आयदायाव फोरेंथाय होनाय हाबाफारिखौ खुंनय जायो। फोरेंथाय हाबाफारिखौ उदालगुरि जिल्लानि जिल्ला




सेशन्स जाज नगेन सेनाबाया देउरिआ बेखेवना होदो। बेखेवनाय हाबाफारियाव उदालगुरिनि गाहाइ जुडिसियेल मेजिस्ट्रेट सत्यजित कर्मकार,

जिल्ला आइन सिबिथाय बिफाननि नेहाथारि सबिता भारद्वाज, लेडाइ पुलिस बिबानगिरि म. मुजाप्पर हुसेन, (□ 6 बिलाइआव)

जालाहआव गथ'सा मोन्थाइ सप्ताह खुंदो

मुसलपुर, 17 नभेम्बर: राइज्यो नाडे फालिनाय बायदिनो बाक्सा जिल्लानि जालाहयाव सिमला पुलिस थानानि बान्जायनायाव आसाम पुलिसनि गथ'सा लोगो हाबाफारिनि सिडाव गथ'सा मोन्थाइ सप्ताह-2024 खुंनय जायो। बेनि लोब्बाजो बाक्सानि जालाहयाव थानाय डा: अनन्त एकाडेमियाव खुंनय मेलाव गाहाइ आलासि महेर बाक्सानि सालबारि महकुमानि महकुमा बेगिरि सुधन्य सुक्नैबैद्यआ बाहागो लानानै फरायसाफोरखौ थांखिनानै बिबुंथि होयो। डा: अनन्त (□ 6 बिलाइआव)

सान्जा गवालपारानि गुबुन गुबुन जायगायाव हाग्रानि मैदेरनि उतखार



गुवाहाटी, 17 नभेम्बर: सान्जा गवालपारानि गुबुन गुबुन ओन्सोलायाव थांनय 14 सान नाडेनिफ्राय गासे मा 40 सो हाग्रानि मोनसे गेदेर मैदेरनि फालोआ साननि समावनो उदाडे थानायजो लोगोसे माय आबाव, रबाट बागान, गय बिफां बागान, थालिर बिफां बायदिफोरखौ गोबां ख'हा खालामदोबलाबो दिनेसिमबो हाग्रा बिफाननिफ्राय जर'खा (□ 6 बिलाइआव)

तामुलपुरआव 'अक्षीता फिजिअ थेरापि आरो फेइन् क्लिनिक' मुनि देहा सिबिथाय मिरु बेखेवदो

तामुलपुर, 17 नभेम्बर: तामुलपुर जिल्ला सदराव थानाय भेटेनारि चकआव दिने तामुलपुरनि थागिरि राइजो-राजाफोरनि खाबुनि थाखाय गंसे 'अक्षीता फिजिअ थेरापि आरो पेइन् क्लिनिक' मुनि मोजां खाबु थानाय गंसे देहा सिबिथाय मिरुखौ दिने हाबाफारि बायदिबे बेखेवनाय जादो। हाबाफारिखौ बिटिसिनि बोसोनगिरि (□ 6 बिलाइआव)

कक्राझारनि आफलागाव गामियाव महिम चन्द्र बसुमतारिआ माइनाव थिसन्नाय हाबाफारि खुंदो

कक्राझार 17 नभेम्बर: बाथौ दोहोरोमनि नेमखान्थि बादियै गाजा-गोमजायै माइनाव आग' लायदो महिम चन्द्र बसुमतारिआ। कक्राझार जिल्लानि सिडाव थानाय आफलागाव गामियाव रिखाडो खाम, जता, सिफुनि रिनायजो। बर'नि गुदि दोहोरोम बाथौ दोहोरोमनि नेमखान्थि बादियै कक्राझार सहरनि बागान सालिआव थानाय बाथौ ट्रेडिन्नेल एन्ड काल्सरेल रिसार्च चेन्पर लेंथुमगिरि महिम चन्द्र बसुमतारिआ गावनि आंगो गामि रामफलबिल आफलागावाव दिने बांग्ला आधन 1 अक्ट'नि गोथार फुबिलिआव माइ



दुब्लिनफ्राय गिबि आग' लायनाय एबा माइनाव दिखानाय फोबोखौ गाजा-गोमजायै खुंफुंदो। गामिनि थागिबि सुबुंफोरजो लोगोसे महिम चन्द्र बसुमतारिआ खाम, जता, सिफु, आरज मेथाइनि गेजेरजो माइनाव थिसन्नाय हाबाफारिखौ मावफुडे। महिम चन्द्र बसुमतारिजो लोगोसे अनसुलि बिबिसिआ नख'रनि माइ दुब्लिनफ्राय बाथौ दोहोरोमनि नेमखान्थिजो आगिबि माइनावखौ ध'नाव दोन्ना खर'आव रुजुन्ना न'सिम लाबोयो। बे हाबाफारियाव दुलाराय बाथौ गोथुमनि बोसोनगिरि (□ 6 बिलाइआव)

सुजुगिरिनि खोलोम



जिब-जुनात आरो दंफां-लाइफां

बुहुमाव जिब जुनात थानानै थानायाव मिथिंगाया सान्त्र' हायै, मिथिस' हायै सोमोनांथाव निदान सुंबोदों आरो सुंगासिनो थानाय नुनो मोनो। ईशोरा सोरजिनाय गासिबो दंफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फौ-एनलाफ्रा देलाइश्री बुहुमखो समाय होनायजों लोगोसे जिब जुनात थानानै थानायाव अनजिमा गैयै हेफाजाब होबोदों। मिथिस' हायै जुगआवको बुहुमाव गोनां जिरातखो ईशोरा सोरजिनानै होखादोंमोन। नाथाय ईशोरा सोरजिनाय माखासे जिब जुनात दंफां लाइफांफ्रा मानसिन इनय अनगारियावको जादों, जुगनि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लासै लासै गोमोर लानो हमदों। ईशोरा माखासे सोरजिनाय जिरातफ्रा गोमाबोनाया जिब जुनात थानानै थानायाव गोमोम खहा जानो हागौ। मानोना ईशोरा गासिखोबो गोनां सानानै सोरजिनादोंमोन। मोनसे नडाब्ला मोनसेया थानानै थानाया गोब्राव।

गामिफ्राव गोदो डाक्टर गैयामोन। आखाय बौब्ला जार्मान बिलाइखो दिग्लिनानै होनाय, उदै साब्ला एबा उदै गात्रि जाब्ला पिफि वेन्दों एउनानै जाहोनाय आथिं आखाय बायब्ला हाग्रानि दंफां लाइफांनि बिलाइखो देनानै खाथबना होनानै मोजां खालामनाय नुनो मोनो।

बेंगलनि भाड बाजारो बेबादि मुलि गोथांजों आइथिं आखाय बायनायखो फाहामनायनि थाखाय नामदोंखा जानानै दं। आथिं खूब खूब मोनब्ला लोमसो सात्रो मोनब्ला उसुमाय (जारि बिजनि) बिजौ आरो माखासे दंफां लाइफांनि बिलाइ रोदाखो फुदुनानै पंलु बिदे लोनाई जायगा जायगा जो दासिमबो नुनो मोनो। बे उसुमायफ्राबो जोबलानो हमदों। आयुर्वेदिक एल'पिटिक होमिअ' पेटिक गासिबो मुलिफ्रा दंफां लाइफांखो नेउसिनानै जानो हाया। गोलोम बोथोराव बाराद्राय गोलोमनायखो खमायहोने हायाब्ला दंफांनि साइखुलुम नागिरना बे दंफां सिडव जिरायगा हुदाया बयहाबो दं। मोसोखो हाल एवको, गायखेर जानो फिसियो। बे मोसोकोबो थानानै थानो गांसो हाग्रा बंग्रा नांगो। जों एम्फौ फिसियो। बे एम्फौनि फिथोब आरो खुन बिफानि खुनखो खुन्दु लुनानै सि दानानै मानसिया गावनि लाजिनायखो फाथेयो आरो गोजां जानायनिफ्राय गोजानाव थायो। हाखर-हाला, दुक्लिनि एम्फौफ्राबो माइ बारियाव माइ बिफांखो खहा खालामनो हानाय माखासे एम्फौफोरखो जानानै माइबिफां मोजां जानायाव हेफाजाब होयो। नाथाय मानसिफ्रा बेफोर एम्फौफोरखोबो बुथारनानै गोजोनाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखो मुलि बाहायनाय बयबो नुवा लासैनो थायाखै। नाथाय बेफोर गासिबो थानानै थानो थाखाय हाखर हाला दंफां-लाइफां नांगो। जायगा जायगा बिफां-लाइफां जोबनाय लोगो लोगो बिलो आरो निजिराफ्रा रानलानाय मानसिन मेगनाव गोलैयालासिनो थायाखै। दंफां बिलाइफ्रा अक्सिजेन होनाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानाया गोब्राव।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: गोसोआव मानोबा गोजोन गैयै मोनगोन। गोसोखो हमथानानै सोलिनांगोन।

वृष: थाखानाय धोनआ खहाफोर जानो हागौ। गोसोखो शान्ति मोननाय नड।

मिथुन: साफ्रोमनिफ्रायबो मान मोननाया बांगोन। गोजोनै सम बारहोनो हागोन। मोजां सान।

कर्कट: माबाफोर सान्नाय थांखिया जाफुनो हागौ। गोसोखो गोजोन मोनगोन।

सिंह: मानिबा गोथार खामनिनि थाखाय आगान सुखोनो नागिरदोंबा गोसोखो हमथा। बे राशिन थाखाय आशुभ सम।

कन्या: मानिबा थाखाय जिगा सिनांनो हागौ। गोसो हमथानानै सोलिनांगोन।

तुला: मोजां आखल-आखुयै सोलिनांगोन। जेंनायाव गोलैनो हागौ।

बृश्चिक: माबा मोनसे जेंनायाव गोलैनो हागौ। सांग्राडै थानांगोन।

धनु: थाखानाय बेरमआ सिखांबायनो हागौ। जेथिबो सांग्रां जानांगोन।

मकर: नख'र संसार जानायाव दावराव-दावसिफोर सोमजिनो हागौ। सोरजोंबा सोमोन्दो गावसानो हागौ।

कुम्भ: जैबो जोंगा-मागा खालामनानै थानो हागोन। गोजोनायखो मोनगोन।

मीन: जेरिखानो जाया शुभ खामानि मावनानै लानो हागोन। गोसोनि सान्नाया जाफुसारगोन।

'भन्दे मातरम' स्ल 'गानजों नाइजिरियाआव पिएम मदिखौ बरायदों

अबुजा, 17 नभेम्बर: गाहाइ मन्थि नरेद्र मदिआ दरथाम हादत दावबायनायनि गिबि खोलोबाव रबिबारखालि फुडव नाइजिरिया सोहैयो। नाइजिरियानि हादतगिरि बला अहमद टिनुबुआ अबुजा उरां जाहाज गाथोनाव बिथांखौ बरायो। थानाय 17 बोसोरनि गेजेराव सासे भारतआरि गाहाइ मन्थिनि बेयो हादतयाव सैथि दावबायनाय। बेनि सिगां 2007 आव बै समनि पिएम मनमहन सिंहआ नाइजिरिया दावबायदोंमोन। अबुजा उरां जाहाज गाथोनाव गोबां अनजिमानि भारतआरि फोलेरनि सुबुंफोर पिएम मदिखौ



बरायनो थाखाय सोहैदोंमोन। बे समाव सुबुंफोर 'भारत माता की जय' आरो 'बन्दे मातरम' नि स्ल 'गान' होयो।

आमेरिकायाव सरकारि साखिनि मासिखौ खमायनायनि गोखों खौरां होदों



वाशिंगटन, 17 नभेम्बर: आमेरिकायाव गोनांथि गैयै सरकारि खरसाखौ खम खालामनो आरो सरकारनि गोहोखो बांहोनायनि थाखाय थिसन्याय मन्थि भिबेक रामास्वामीआ सरकारि साखिफोरव मासिखौ गोखोडै खम खालामनायनि इसार होयो। फेनो गोनां सरकारनि थांखिनि गेजेरजों भारतयायि फोलेरनि माखासे सुबुंफोरनि साखिआ गोमानो हागौ। रामास्वीआ बुडोदि, एलन मास्क आरो लाख-लाख सुबुंफोरखो साखिनिफ्राय होखारनो हागौ। मानोना हादरखो रेखा खालामनो थाखाय बेबादि खालामनांगोन होनानैबो बुडो। बेफोर बाथाखो रामास्वामीआ ट्रम्पनि मार-अ-लाग' रिजर्टआव खुंनय हाबाफारिआव बुडोदि, थानाय 4 बोसोराव आमेरिकानि थासारिआ जोबोद गात्रि जादों। बिबि सोलिनायखो फोजोबाल्ला गावसोर गोजाम रमान साम्राज्य बादि जोबसालांगोन। बेनिखायनो बयबो ज' जानानै गोरोन्थि खांथिफोरजों जुजिनांगोन। जों हादरनि बयनिखुडुबो साबसिन सान लाबोनांगोन। मख'जाथावदि, गोदानै सायख'जानाय हादरगिरि ट्रम्पआ मास्क आरो रामास्वामीखो सरकारनि गोहो बांहोरा बिफाननि गाहाइ खालामदों। बिथांमोनहा सानैबो फोसावदोदि, सपताहफ्रोमबो गावनि बिफाननि हाबाफारि जौगानायनि खौरंखो हादरनि नोगोरारिफोरनो मिथिहोगोन। ट्रम्पआ 27 बोसोरनि केरलिन लेभिटखो हवाइट हाउसनि गोदान प्रेस नेहाथारि खालामो। बिथाड बे मासिखौ सामलायनाय बयनिखुडुबो खमसिन बेसोनि आइजो जागोन। ट्रम्पनि सिगांनि सरकारआव बिथाड हवाइट हाउसआव लेडइ प्रेस नेहाथारिमोन। केरलिनआ ट्रम्पनि 2024 नि बिसायख'थियाव प्रेस नेहाथारिमोन।

राइज्योआव नुजाथिनाय हिंसाखौ नोजोर होनानै मनिपुरआ आफस्प्याखौ बोखारनो खावलायदों

इम्फल, 17 नभेम्बर: मनिपुर सरकारआ मिरुखौ राइज्योनि मोन 6 पुलिस स्टेसनफोरनि बेंखनआव एएफएसपिए एबा आफस्प्या आइन जावसिनायखो नायसंनो आरो बेखौ बोखारनानै होनो खावलायदों। मिरु सरकारआ मनिपुरआव जिरिबामजों लोगोसे मोन 6 थानानि बेंखनआव आफस्प्याखो सोलिहोदों। बेनि उनाव राइज्योआव हिंसायारि जाथायफोरखौ बांसिनाय नुनो मोनानै सान्जा इम्फल आरो सोनाब इम्फलआव कार्फिड जाबसिनो। राइज्योआव सा 6 सुबुंफोरखौ जिउ फोजोबनाय जाथायनि हेंथायै हायेन जिल्लाफोरव गोदानै बेरेखा धर्ना खालामनाया जागायो। बेसोरनि गोथै सहखौ जिरिबामआ जेंना गोनाडै जिनाहारि खालामनायनि उनाव जिउ फोजोबनाय थासारिआव बोखानो मोन्दों। बेनि उनाव धर्ना होराफोर सानै मन्थि आरो साथाम एमएलएफोरनि न'आवबो थानानै धर्ना हेंयो। मिरु जुथाय नेहाथारि (नख'र) नो दैथायहरनाय गांसे



लाइजामआव मख'नाय जादोंदि, राइज्योनि मन्थि आफादआ 15 नभेम्बरनि जथुम्मायाव बे आफस्प्या आइननि सायाव सावरायजलायदों आरो मिरु सरकारनिमिसम बेखौ नायसंनो आरो बोखाना लाफिनो आर'ज गावनायनि थांखि लादों। मख'जाथावदि, मिरु नख'र मावख'आ 14 नभेम्बरखालि सोनाब इम्फल जिल्लायाव सेकमाइ आरो लामसां पुलिस स्टेसन, सान्जा इम्फलआव लामलाइ, बिष्णुपुरआव माइरां, कंपकपिआव लिमाखं आरो जिरिबाम जिल्लायाव जिरिबाम पुलिस थानानि सिडव थानाय ओन्सोलाव आफस्प्या आइनखो फिन फोसावनानै होयो।

नाइजिरियाआव भारतआरि फोलेरनि गावखौ बरायनायनि थाखाय साबायख'र बाडनानै गाहाइ मन्थि मदिआ एक्सआव

मनिपुरआव धर्ना होग्राफोरा 24 घन्टानि आल्टिमेटम फोसावदों

इम्फल, 17 नभेम्बर: मनिपुरनि जिरिबामआव सा 6 सुबुंफोरनि गोथै सह बोखानो मोननायनि उननिफ्रायनो हिंसायारि जाथाय सोमजियो। आथिंखालाव नोगोरारि समाज आफादफोरा उतकारि हान्जाफोरनि हेंथायै नायबिजिनो दाबि देखानानै राइज्यो सरकारनो 24 घन्टानि आल्टिमेटम फोसावो। मनिपुरआव शनिबारखालि बेलासिआव गोजोन गैयै थासारिखौ नुनो मोनो, जेब्ला मोनसे सुबुंफोरनि हान्जाया गिबि मन्थि एन बिरेन सिंहनि न'आव बुफाय-बुसि खालामनो नाजायो। जिरिबाम जिल्लायाव सा 6 गोमानानै थानाय सुबुंफोरनि गोथै सहफोरखो नागिरना मोननायनि उनाव खुद्रिखानाय सुबुंफोरखो होखानो थाखाय रेखाथि हान्जाफोरा टियार गेसनि गुलि गावो। जिउ गोमानायफोरनि गेजेराव सासे उन्दै गथ' आरो सानै आइजोफोरबो दंफायामोन। जिरिबामआव बरक दैनिक्राय 8 दाननि गथ'जों लोगोसे सा 6 सुबुंफोरनि गोथै सहखौ बोखानो मोन्दों। बिसोर सुबुंफोरा दाडाबाजनि उनाव थानाय समबाखालिनिफ्रायनो गोमानानै दडमोन, जेराव रेखाथि हान्जाफोरजों लोगोसे गुलि गावलायनायाव सा 10 हाथियार



लाग्रा कुकी सुबुंफोरा जिउ गोमादोंमोन। बेराफासै बेखौ लानानै आथिखालाव मनिपुर इन्ट्रिटीआव समानथियारि कमिटि (ककमि) मोनसे मैतेइ नोगोरारि मोन्थाय आफादनि बिबुंथिआ नुजाथियो। बिथाड बुडोदि, राइज्योनि गासै थान्दैफोर आरो गासै एमएलएफोरा जुथायै

मोनसे पस्ट लिरोदि, नाइजिरियाआव भारतआरि फोलेरनि गेजेरजों गाजा-गोमजायै बरायनायखौ नुनानै जोबोद गोजोनाय मोन्दों। बिथाड नाइजिरियाआव थानाय भारतआरिफोरखौ बाखायदोंबो। बिथाडा सोनाब आफ्रिका हादतआव थाग्रा गोबां अनजिमानि भारतआरि आइजो, गथ'फेर आरो होवाफोरजों सावरायो आरो बिसोरजों लोगोसेसेबखौ जानाय सावगारिफोरखौबो आपलड खालामो। 16 आरो 17 नभेम्बरसिम नाइजिरिया

दावबायनाय उनाव गाहाइ मन्थि मदिआ जि-20 शिखर जथुमानि थाखाय ब्राजिलाल थंगोन। पिएम मदिनि बे दावबायनाय समाव भारत आरो नाइजिरियानि गेजेराव गायसन्नाय सोलोखांथियारि शोयारखौ बांहोनो नाजानाय जागोन। रेखाथि बिथिंखौ लानानैबो दरनै हादतनि गेजेराव गुवारे सावरायनायनि मिजिं दड। नायजिरियाआ फिसा हाथियारफोर, गुलि बारुद आरो हाथियारजों लेस जानाय गारिफोरनि शोयारनि थाखाय भारतनि फारसे गोबां गोसो दुंनय दिथिदों।

झारखान्डनि मान गोनांसिन बान्थानि मुंखौ फोसावबाय

रांन्चि, 17 नभेम्बर: झारखान्डआव बिधान सभा बिसायख'थिनि नैथि खोलोबा फेगौ 20 नभेम्बरआव जागोन। बेनि सिगां-सिगां गिबि मन्थि हेमन्त सेरेनआ रबिबाराव राइज्यो जौसिन मान बान्थानि मुंखौ फोसावो। बिथाड बे बान्थानि मुंखौ "भगवान बिसा मुन्डा-भगवान सिद-कान्हु" दोनाय जागोन होनानै बुडो। जुदि झारखान्ड मुक्ति मर्चा (जेएमएम) नीत सरकारआ खुंथायाव फेयोब्ला बेनि बागै मन्थि आफादनि गिबि जथुम्मायाव थांखि लानाय जागोन होनाबो फोसावयो। बेखौ लानानै गिबि मन्थि सेरेनआ सशेल मिडिया प्स्टेफर्म एक्सआव मोनसे पस्टबो खालामदों, जेराव बिथाड राइज्योनि मान गोनांसिन



बान्थानि मुंखौ मिबथिहोयो। बे बान्थाया झारखान्डनि बिर-जोहोलाव मुंखलफोरनो बिबार बाडनाय जागोन आरो राइज्योनि गोजोर जारिमिननि फारसे मोनसेबाव आगान बारनाय जागोन। झारखान्डनि बिर-जोहोलाव मुंखलफोरा अमरै थादों, जै झारखान्ड होनाबो बिथाड पस्टआव लिरदों। मख'जाथावदि, झारखान्ड मक्ति मर्चा (जेएमएम) आ

आथिखालाव राइज्यो खुंथायाव दड आरो हेमन्त सेरेनआ गिबि मन्थि। पाटिआ जानो गोनां बिधान सभा बिसायख'थिनि सोलोखांथियारियाव नोजोर होदों आरो आदिबासि एबा उन जाना थानाय थाखोनि हारिनि आयदाफोराव गाहाइयै नोजोर होदों। फारसेथिं बिजेपिआबो बे बिसायख'थिनि गेजेरजों राइज्यो खुंथायाव फेनो नोजोर होदों।

भन्दे भारत एक्सप्रेसनि ब्रेकफास्टआव एम्फौ मोन्नायनि अजद होदों

गोदान दिल्ली, 17 नभेम्बर: भारतनि सुपर पास्ट ट्रेन बन्दे भारत एक्सप्रेसजों लोब्ला गोनां मोनसे सोमोनांथाव के स सोराडव फेदों। तिरुनेलवेली-चेन्नाइ एगमर 20666 नाम्बानि बन्दे भारत एक्सप्रेसजों दावबायनाय सासे दावबायारिआ ब्रेक पास्टआव होनाय साम्भारआव मासे एम्फौ मोनो। बिनो बे ब्रेक फास्टखौ मद्रुराइ स्टेशनआव होदोंमोन। मद्रुराइ स्टेशननिफ्राय गाखोनायनि इसे उनाव बियो अजद होयो। बे अजदखौ मोन्नायनि उनाव खोला रेलवेआ खेफोरथिबो



होयो। रेलवे आ दावबायारिफोरसिम निमाहा बियो आरो जाग्रा मुवा-जगायग्रा नि लाइसेन्स बिगोमानि हेंथायै गोखों नायबिजिनानयनि खोथा होयो। बिबानगिरिफोरा दावबायारिनाव निमाहा बियो। लाइसेन्स बिगोमानि हेंथायै गोखों नायबिजिनानयनि खोथा होयो आरो डिंडिगुल स्टेशनआव गुबुन जाग्रा आदारनि अफार होयो, जायखौ पेसेन्जारा नेवसियो। रेलवेया बुडोदि, बे बायदि दाय मावनायनि थाखाय बृन्दावन फु ड प्रडाक्टसनि सायाव 50,000 रां जुरिमाना फोनादों।

अनबर्ड मेनेजार, सिआइ आर, सिसिआइ आरो एसिएमआ बृन्दावन फु ड प्रडाक्शननि फारसेनिफ्राय सामलायजानाय तिरुनेलवेलि बेस किटचेननि फारसेनिफ्राय जगायना होनाय जाग्रा मुवाखौ नायबिजिनो

भारतआ मोनसेबाव हाइपारसनिक मिसाइल आन्जाद नायनायाव जाफुंसारदों

गुवाहाटी, 17 नवम्बर: भारतआ लाश्रियै गावनि मोन 3 सांन्धि हान्जानि गोहोखौ बाहोनायाव नांथावदों। बेनि गेजेरजों भारतनि डिआरडिआ 16 नवम्बर, शनिबारखालि उरिष्यानि एपिजे आबुल कालाम द्वीपनिफ्राय लं रेन्जनि गिबि हाइपारसनिक मिसाइलखौ आन्जाद नायो। बे हाइपारसनिक मिसाइलखौ मोन 3 सांन्धि हान्जानि थाखाय डिजाइन खालामनाय जादों, जायखौ गुबुन गुबुन पेलडआव लन्च खालामनाय हागौ। बे मिसाइलआ गोलाव जान्थायनि थांखिखौ थांखिनायाव गोखौ। बेनि रेन्जआ 1500 कि:मि: नि बांसिन। जाफुंसार आन्जाद नायनायनि उनाव रैखाथि मन्थि



रजनाथ सिंहआ डिआरडिआनो हामलायथि होयो आरो बुडोदि, बेनो मोनसे जांरिमिनारि जाफुंसारनाय। बिथाडा एक्सआव पस्ट खालामनायाव बुडोदि, भारतआ उरिष्यानि बोरिमिनफ्राय जानगारव डा. एपिजे आबुल कालाम द्वीपनिफ्राय गोलाव जान्थायनि

हाइपारसनिक मिसाइलनि जाफुंसारनाय लन्चखौ आन्जाद नायना मोनसेगिदिर जाफुंसारमोनो हायो। बेयो मोनसे जांरिमिनारि सम आरो बे मख'जाथाव जाफुंसारनाया जॉनि हादतखौ ओरैबायदि सायख' जानाय हादतफोरनि हान्जायाव सोफायो, जायहा बेबायदि जोगाखां सांन्धियारि टेक्नीकफोर दड।

डिलिभारि बयखौ गाग्लोबनायनि थाखाय पुलिस इन्सपेक्टरनि बेरेखायै एफआइआर होदों

गुवाहाटी, 17 नवम्बर: गुवाहाटी नोगोरमायाव मोनसे जाथाया राइजो-राजाखौ रागा जॉंखांहोदों, सासे डिलिभारि बय आरो कटन मुलुगसोलोंसालिनि फरायसा ज्ञानदीप हजरिकाआ इन्सपेक्टर भार्गव बरबरानि बेरेखायै गिबि फोरमायथि रिपर्ट होदों, जायखौ बावैसो पानबाजार पुलिस थानायाव अफिसार-इन-चार्ज महरे सासपेन्ड खालामनाय जादों मोन। एफआइआरआ इन्टारनेटआव गोसारनाय मोनसे भिडिअ'नि उनाव फेदों, जेराव बरबरारखौ गुवाहाटीनि फेन्सी बाजार ओन्सोलनि मोनसे मुखब लामायाव हाजरिकाखौ अनागारियै बुनाय नुनो मोन्दों मोन। बे नान्जलायनाया शुक्रवारनि मोनायाव



जादों, जेव्हा हाजरिकाआ पार्सेल हैनो थाखाय न' इन्ट'आव हाबदों मोन। भिडिअ'आव इन्सपेक्टर बरबरआ लाइमोन डिलिभारि

बयखौ गाजि आखु दिन्थिनाय नुनो मोन्दों। थासारिया खालि गोखैथि लाबोदों मानोना बरबरया हाजरिकानि हेँथायै खुगाजों गाजि बाहायनो हमदों मोन आरो फिन

बिथांखौ बुनो हमदों। जेव्हा खाथिजों थानाय सुबुंफोरा हेँथा होनो नाजादों मोन, अब्ला बरबरया खावलायनायखौ गनायना लायाखेमोन, जेव्हा सुबुंफोरा बिथांखौ एस्केलेटखौ बाडाय खालामनो थाखाय आरज गाबदों मोन अब्लाबो बिथाड गावनि सांखारिनायखौ सोलिहोबाय थदों। भिडिअ'आव, बरबरारखौ रेकार्डि खालामनानै सिगिनाय नुनो मोन्नाय जादों। बिथांनि खामानिया नेटिजेनफोरनि गेजेराव रागा जॉंखांहोदों आरो माबोरै बिथांमोनहा बेबादि आखुखौ गोहोनि गाजि बाहायनाय होना सांखारिदों।

जेव्हानो भिडिअ'आ सशेल मिडियायाव गोसारनो हमदों मोन, आसाम पुलिसनि सायाव बे आयदानि सायाव राहा लानो नारसिन्नाय जादों। गागि पुलिस मावख'गिरिफोरा दोन्ध'नायनि बागै गुवारै फोरमायथि होनानै मोनसे राइज्योआरि बिबुंथि फोसावदों आरो रोखा खालामदोंदि, गासैबो सैथोथिफोरखौ नायबिजिनारि नाय जागोन। ज्ञानदीप हजरिकाआ बरबरानि बेरेखायै गावनि आखाइयाव जानाय गोसोआरि आरो देहायारि साजा होनायखौ मुंख'नानै मोनसे एफआइआर होदों।

मिज'राम सरकारआ नोगोरारिफोरखौ राइज्योआव गोजोन थासारि लाखिनो खावलायदों

आइजल, 17 नवम्बर: मिज'राम सरकारआ न'सुंसे राइज्यो मनिपुरआव आथिखालाव सोलिबाय थानाय जाथायफोरनि उनाव राइज्योनि सिडव फोलेयरि हिंसाफोरखौ होबथानो थाखाय थागिबिफोरखौ थानाय शनिबारखालि सांग्राडै थानो खावलायो। थानाय सप्ताहआव जिरिबाम जिल्लायाव मैतेइ आरो कुकी-ज मोननै फोलेरफोरनि सा 20 सुबुंफोरनि जिउ गोमायो, जायजों मनिपुरआव जेनाया बाडे, जाय मिज'रामजों सिमनासे। मिज'रामनि नख'र बिफानआ फोसावनाय मोनसे बिबुंथिआव थागिबिफोरखौ बै हाबाफारिफोरनिफ्राय जानगारआव शूनी खावलायो, जाय फोलेयरि हिंसायारि जाथायफोरखौ सोमजिहोनो हागौ। सरकारआ बाइजोयारि सुबुंफोर, जर'खायै मनिपुरनि सुबुंफोरनि रैखाथिखौ रैखा खालामनानै लाखिनो समायखिरा लायो। बेबादिनो बे



राइज्योनि बाइजोआव थाग्रा मिज'फोर, जर'खायै मनिपुरआव फरायसाफोरि आरो गुबुन राइज्योयारि लेवारफोरनि रैखाथिनि थाखाय। राइज्यो सरकारआ मनिपुरआव बावैसो सिगां जालानाय हिंसायारि जाथायफोरनि सायाव गोथोयै दुखु मोन्नाय फोरमायो, जेराव गोबां सुबुंफोर जिउ नागासंदों आरो माखासेआ जोखोम

जायो। बिथाडा दुखुजों भुगिनानाय नख'रफोरनि फासैबो गावनि दुखु मोन्नायखौ फोरमायो। अदेबानि मिज'राम सरकारआ मिरु आरो मनिपुर सरकार मोननैखौबो सोलिबाय थानाय दाडवाजिखौ थाबैनो फोजोबनो थाखाय गोनांथि जानाय बादि गासै राहाफोरखौ लानो खावलायो। सुलुंनि बादिब्ला, हिंसानि जाहोनाव

मनिपुरनि गोबां अन्जिमानि सुबुंफोर मिज'रामआव आश्रय लानानै दड। मिज'राम सरकार आरो बिसोरनि सुबुंफोर बिसोरनो रेहाय होगासिनो दड। मिज'रामनि नख'र बिफाननि बादिब्ला, मनिपुरनि 7,700 निखुइ बांसिन सुबुंफोरा आथिखालाव राइज्योनि गुबुन गुबुन बाहागोफोरनि आश्रय बिगासिनो दड।

गोदान दिल्ली, 17 नवम्बर: थानाय 2016 आव नीला गावनि मेगन गोनां सासे लाइमोन पाकिस्ताननि साहा फानग्रानि सावगारिआ ससेल मिडियाआव गोबां भाइरेल जादों मोन। बै समाव बिखौ जोबोद बाडाइ सुबुंफो मिथियोमोन। नाथाय मोनसे सावगारि भाइरेल जानायनि उनाव पाकिस्ताननि साहा फानग्रानि, जायनि मुड अशद खानखौ मुलुगनाडै सिनायनो हमो। बेराफासै अशद खानआ बिजनेसनि मुलुगआव गोबां आवगायनो हमदों। बिथाड बावैसो सिगां दावनि साहा ब्रेन्डनि थाखाय पाकिस्ताननि शार्क टैकआव 10 मिलियन रं एबा 1 कौटिनि इन्भेस्टमेन्ट मोन्नो हायो। 2016 आव इस्लामाबादआव लामा सेरनि गंसे गलायाव साहा बानायनाय अशदनि मोनसे सावगारिआ भाइरेल जादों मोन। बेराफासै बिखौ पाकिस्ताननि शार्क



टैकनिफ्राय मोन्नाय फान्डिनि जाहोनाव सुलुडव लाबोबावो। दिने गोखैयै आवगायनानै अशद खानआ इस्लामाबादनि लामायाव साहा फुन्दुनायजों लोमोसे बियो लन्डनआव मोनसे गाहाइ केफेजों लोमोसे हारिमायारि थाखोआव जायगा आवग्रिनो हाबाय। शार्क टैक मुनि पाकिस्ताननि मोनसे एपिसडआव अशद खानआ गावनि बिजनेस पार्टनर काजिम

हासनजों लोमोसे गावनि कम्पनीखौ आवगायहोबावो थाखाय 1 कौटि रंनि इन्भेस्टमेन्ट बियो आरो सानैबो इन्भेस्टमेन्टनि सोलायै 5 जौखोन्दो एक्विटिबो बियो। बेयाव जुनेद एकबाल आरो फेसल आफताबआ बे रदइनिफ्राय जानगारआव थायो। नाथाय रनिल भाइरुआ 24 जौखोन्दो इक्विटिनि सोलायै

1 कौटि रंखौ इन्भेस्ट खालामो। अशदआ फोरमायनाय बादिब्ला, 10 मिलियन रंनि इन्भेस्टमेन्टआ मोनसे मख'जाथाव माइल खुन्थिया, जाय साहा एन्ड कम्पनीखौ जौगाखांनायनि मोनसे गोदान खोलोबआव लानानै थांगोन। बिथाड गावनि दावबायनाय समाव फेनाय खाबुफोरनि थाखाय साबायख'र बाउयो।

जमेट'आ आइफन आरो एन्ड्रूड बाहायगिरिफोरनि थाखाय डिस्ट्रिक्ट एप लन्च खालामबाय

गोदान दिल्ली, 17 नवम्बर: अनलाइन फुड डिलिभारि कम्पनी जमेट'आ आगस्त दानआव पेटिएमनिफ्राय एन्टरटेनमेन्ट आरो टिकेटि बिजनेसखौ टेकआभार खालामदों मोन। जमेट'आ 2,048 कौटि राडाव गावनि खालामदों मोन। बेनि उनाव कम्पनीआ मुभि टिकेट, डाइनि आरो इन्भेस्टनि टिकेटफोरखौ बुक खालामनो थाखाय डिस्ट्रिक्ट-एप लाबोनायनि थांखि फोसावदों मोन। बे एपखौ आइफन आरो एन्ड्रूडनि थाखाय लाइभ खालामनानै होयो। इजजारफोरा बे एपखौ गोलेयै इनस्टल खालामनानै लानो



हासिगोन। मख'जाथावदि, जमेट'हा गासै मोन 3 एप दड। कम्पनीनि क्विक कमासनि थाखाय ब्लिन्कट एप जागायदों मोन आरो दानि डिस्ट्रिक्ट एपआ बेनि थामथि एप। बे एपनि गेजेरजों

इजजारफोरा सावथुनफोर आरो लाइभ इन्भेन्टनि टिकेट बुक खालामनो हासिगोन। बेनि अनगायै इजजारफोरा डाइनि आउटनि थाखाय रेस्टुरेन्टआव टेबल बुक खालामनो हागौ। बे एपआव इजजारआ पिभिआर-

इनवक्स आरो सिनेपलिस बायदि प्लेटफर्मआव मुभि टिकेट बुक खालामनो हागोन। बे एपआ फैनानयनि उनाव सुबुंफोरनि गेजेराव पेटिएमनि गेजेरजों मुभि टिकेट बुक खालामनो हानाय नंला नामा होन्नानैबो सोंथि सिखादों। जमेट'नि स्टेटमेन्ट बादिब्ला, पेटिएमनि गइ आउट बिजनेस आरो पेटिएम इन्साइडारखौ डिस्ट्रिक्ट एपआव ट्रेन्सफार खालामनाय जागोन। अदेबानि फेगौ बोसोरनि आगस्टसिमआव पेटिएमनि गेजेरजों टिकेट बुक खालामनो हागोन। जमेट'नि डिस्ट्रिक्ट एप फैनानयजों बुक माइ स्व'नि थाखाय बादायलायनाया बांसिन जागोन। मख'जाथावदि, बुक माइ स्व'आ रिलाइन्सखौ

मदद होग्रा कम्पनी। मिडिया रिपर्टनि बादिब्ला, बे थानाय आगस्टसिमआव बुक माइ स्व'हा टिकेटि सेगमेन्टआव 75 जौखोन्दो शेयारि दडमोन। अदेबानि डिस्ट्रिक्ट एप फे नायनि उनाव टिकेटि सेगमेन्टआव बुक माइ स्वनि शेयारिआ खम जानो हागौ होन्नानै हमदोंनाय जादों। थानाय 14 नवम्बरआव जमेट'नि शेयारआ 4.27 जौखोन्दो दावखोनाय 269.60 रं (मोनफ्रोम शेयार) आव बन्द जादों मोन। बिएसइ एनालाइटिक्सनि बादिब्ला, बोसोरसे याव कम्पनीनि शेयारआ 19.48 जौखोन्दो बादों।

काहिरा, 17 नवम्बर: सा इजराइलनि सहर केसरियाआव इजराइलनि गाहाइ मन्थि बेन्जामिन नेतन्याहुनि न' फासै थरनै फ्लेश बम गावहरो, जाय बिबार बागानआव गोलेयो। बेनि खौरांखौ थानाय शनिबारखालि पुलिसआ होयो। गाग्लोबनाय समाव गाहाइ मन्थि नेतन्याहुजों लोमोसे नख'रनि रावबो गैयामोन आरो बेयाव रावनिबो खहा जायाखै होन्नाय खौराडव फोरमायो। गाहाइ मन्थिनि न'आव गाग्लोबनाया नैथि खेब जादों। इजराइलनि हादरगिरि इसाक हार्जगा एक्सआव होनाय मोनसे पस्टआव बे जाथायखौ सांखारियो आरो बेनि फासै नायबिजिनारिया सोलिगासिनो



दड होन्ना बुडो। लोमोसे बिथाडा बुंवावोदि, गाहाइ मन्थिनि हेँथायै बेबादि नायबिजिनारिया गासै सिमनाफोरखौ बारबाय। हादरयारि रैखाथि मन्थि इटमार बेन-गभोरआवो बे जाथायखौ सांखारिदों। थानाय अक्टबर दानआव कसरियाआव गाहाइ मन्थिनि न'फासै मोनसे इन् लन्च खालामदों मोन, जायजों जेबो खहा जायाखै। बेराफासै

इजराइल सांन्धिफोरा थानाय 2023 नि अक्टबरनिफ्रायनो लेबानननि उतखारि हिजबुल्लाह हान्जाजों लोमोसे दावहा नांगासिनो दड। थानाय शनिबारखालि गाजा सहरनि शाति रिफिउजि केम्पनि गंसे स्कुलआव इजराइलनि गाग्लोबनायाव सा 10 फिलिस्ताइनफोरनि जिउ गोमायो आरो सा 10 गुबुनफोरा जोखोम जायो। डाक्टरफोरा मिथिहोनाय बादिब्ला, बे रिफिउजि के म्पआव सुबुंफोरखौ फाहामथाय होगासिनो दड आरो आथिखालाव न' गैजायै नख'रफोरनो बेयाव आश्रय होगासिनो दड। देहा बिफाननि बिबानगिरिफोरा बेनि सोमोन्दै बुडोदि, बेयो इउएननि गेजेरजों सामलायनाय आबु अस्सी स्कुल, जेराव रैखा खालामनाय हाबाफारिआ सोलिगासिनो आरो बेयाव दासिमबो सुबुंफोरा बायखोन्दो थुखाफोरव थाबथाना थानो हागौ। बेनि सोमोन्दै इजराइलनि बिबानगिरिफोरनि फासै जेबो बिबुंथि फेयाखै।

आरबिआइआव हुमरिबि होनायनि कल फेदों



गोदान दिल्ली, 17 नवम्बर: भारतआरि रिजार्भ बैंकनि कास्टमार केयार नाम्बाराव दिनें फुनि 10:00 रिंगायाव मोनसे कल फेयो। बेयाव कल खालामग्रा सुबुड गावखौ लश्कर-ए-तैयबानि सिइअ होना बुडो। बे कलनि

उनाव बैंकनि रैखाथि गाईआ पुलिसनाव केस थिसनो। आथिखालाव पुलिसआ बे जाथायखौ नायबिजिनारियाव नांथावदों। खौरांनि बायदिब्ला, कल खालामग्रा सुबुड गावखौ लश्कर-ए-

हुमरिबि फेदों

तैयबानि सिइअ होना बुडो आरो उननि गेटखौ बन्द खालामनो थिनो। अदेबानि इलेक्ट्रिक कार गाजि जाबाय होन्ना बुना कलखौ दानो। कलखौ दान्नायनि उनाव बैंकनि सिक्किउरिटी गाईआ बे के सखौ सिरियास लानानै पुलिसनाव अजद दैखाडो। बेनि उनाव पुलिसआ केस थिसनो आरो नायबिजिनारियाव नांथावो। बेनि केसखौ रमाबाइ मार्ग पुलिस स्टेनाव थिसन्याय जायो। आथिखालाव पुलिसआ बे जाथायखौ सोरबा सासे सुबुंनि आखु महरे गनायना लादों।

भारतआ हाइपारसनिक मिसाइलखौ जाफुंसार महरे आन्जाद नायदों

गोदान दिल्ली, 17 नवम्बर: भारतआ रैखाथि बिथिडाव गोखौंसिन जाबाय। रबिबारखालि भारतआ गोलाव जान्थायनि हाइपारसनिक मिसाइलखौ जाफुंसार महरे आन्जाद नायदों। बेजों रोखा जायोदि, सांन्धियारि गोहोनि पार्से भारतआ गिदिर जाफुंसारनो हादों। गोलाव जान्थायनि हाइपारसनिक मिसाइलनि जाफुंसार आन्जाद नायनायखौ मोनसे मख'जाथाव थांखि होन्नायै फोरमायदों। बे मिसाइलखौ 1500 कि:मि: निखुइ बांसिन रेन्जनि थाखाय गुबुन गुबुन पेलडस लानानै थानो थाखाय डिजाइन खालामनाय जादों। भारतनि जाफुंसारनो हानायनि उनाव रैखाथि मन्थि रजनाथ सिंहआ बुडोदि, भारतआ एपिजे आबुल कालाम द्वीप, उरिष्यानि बोरिमिनफ्राय गोलाव जान्थायनि हाइपारसनिक मिसाइलखौ जाफुंसार महरे आन्जाद नायो। बेयो मोनसे जांरिमिनारि जाफुंसारनाय आरो भारतखौ बै सायख'जानाय हादरफोरनि हान्जायाव सोफाबाय, जायफोरनाव बेबादि मख'जाथाव आरो जौगाखां सांन्धियारि टेक्नलजीफोर दड। बे



मिसाइलखौ भारतआवनो बानायनाय जादों। बेखौ हाइड्राबादनि एपिजे आबुल कालाम मिसाइल परिसरआव डिआरडिआ आन्जादसालि आरो उद्यगयारि बाहागो लाग्रफोरनि मददजों हादरयावो बानायनाय जादों। बे मिसाइलनि आन्जाद नायनाया जाफुंसारनायनि थाखाय मिरु रैखाथि मन्थि राजनाथ सिंह, रैखाथि नेहाथारि आरो डिआरडिआनि आफ्रदगिरिआ टीमनो हामलायथि होदों।



मिसाइलखौ भारतआवनो बानायनाय जादों। बेखौ हाइड्राबादनि एपिजे आबुल कालाम मिसाइल परिसरआव डिआरडिआ आन्जादसालि आरो उद्यगयारि बाहागो लाग्रफोरनि मददजों हादरयावो बानायनाय जादों। बे मिसाइलनि आन्जाद नायनाया जाफुंसारनायनि थाखाय मिरु रैखाथि मन्थि राजनाथ सिंह, रैखाथि नेहाथारि आरो डिआरडिआनि आफ्रदगिरिआ टीमनो हामलायथि होदों।

हरनि रानि होन्ना बुंजानाय बिबारआ मानो हरावल' बारे ?

मुलुगाव सान्त्रहायै समाइना आरो मोदोमफ्रु बिबार दड। बेफोरनि माखासेया हराव आरो माखासेया सानाव बारे। मोनायाव बारग्रा बिबारफोरा हरावनों बारे आरो हरावनों सिरियो। बेबायदि, बिबारखौ साननि समाव माव्वाबाबो नुनो मोना। नाथाय मानो बेफोर बिबार हरनि समावल' सोदयै बारलाडे आरो सिरियो ? खायसे जिव-जुनात आरो दावफोर हरनि समावल' ओंखारनाय बायदि बे बिबाराबो मोनायावल' गेवलाडे। बिबारफोरनि गेजेराव हराव बारग्रा बिबारफोरनि मादाव मोनसेखौ हरनि रानि होन्ना बुंजानाय जायो। मोनायाव बारग्रा बिबारनि मोदोमनाया गोखौंसिन जायो। बे मोदोमनायनि जाहोनाव एम्फौ-एनला एबा सिखिरिफोरा बिबार फारसे गोसो बोलाडे। मोनानि रानि होन्ना बुंजानाय बिबार साननि बिदुं आरो सोरंखौ सहायनो हाया। बेफोर बिबारा साननि समाव जोबोर थाव लरहायलाडे। बेनिखायनो मोनानि समाव गेवलाडे। फारसेथिं मोनायाव बारग्रा बिबारफोरनि दाथाय आरो आबहावायारि धोरेमनि जाहोनाव



मोनायावल' गेवलाडे। बेफोर बिबारफोरा गुफुर गाबनि जायो आरो पारफिउम बानायनायाव बेफोरखौ बाहायो। मोनायाव बारग्रा बिबारनि गाबआ जौखोल जाया, नाथाय गुफुर जानायनि थाखाय खोमसिआव एम्फौ-एनला, सिखिरिफोरखौ गोसो बोनो हायो। जोबोर मोदोमनाय गोनां मोनानि रानि होन्ना बुंजानाय बिबारखौ इराजीयाव

नाइट ब्लुमिं जास्मिन होन्ना बुडे। बोसोराव खेबत्रै बेयो बिबार बारे। फारसेथिं मोनायाव बारग्रा मोनायावनों सिरिग्रा बिबारफोरा जादों- (1) चामेलि (जास्मिन): बे बिबारआ हर आरो सानावबो बारे। बेनि मोदोमनायखौ हराव बांसिन मोन्दाथियो। बेयो फिसा आरो गुफुर गाबनि जायो। (2) मगरा: बेयो नैथि मोदोमफ्रुग्रा

बिबार, जाय हरनि समावबो बारे। बेखौ फुजाफोरावबो बाहायो। (3) चम्पा बिबाराबो मोनायाव बारग्रा जोलैनि आरो बेनि मोदोमनाया जोबोर गोदे। बे बिबार थुबजायै बारे आरो गुफुर गाबनि। (4) ब्र ह्यकमल: बेयो मोनसे सोमोनाथाव रोखेमनि बिबार, जाय बोसोराव खेबसेल' बारे आरो हरनि समावल' बारे। बेखौ जोबोर गोथार होन्ना गनायनाय जायो। (5) धतुरा: बे बिबारबो हरनि समाव बारग्रा हरनि, जाय बयनिबो गोसो बोनो हायो। बे बिबार फुजायाव बाहायजायो। (6) सप्तबर्णी: गाहायै बे बिबारखौ हिमालय ओन्सोलाव मोन्नाय जायो, जाय समाइना आरो मोदोमफ्रु बिबार। बेबो मोनानि समाल' बारे। (7) रजनिगन्धा: बे बिबारबो मोनायाव गेवलांग्रा आरो गुफुर गाबनि, जाय सान ओंखारनायनि सिगांनो सिरियो। बेयो जोबोर मोदोमो आरो बेखौ माला सुनायाव बाहायनाय जायो। (8) पारिजात: बे बिबार गुफुर फिसा-फिसा आरो हरनि समाव बारे। सोराडेव्ला बे बिबार थखबलाडे। बेखौ मुलिन थखाय बाहायनाय जायो।

अ! आयै बि टि सि

नोंनि मुड आयै बड लेण्डमोन.....
नोंनि मोदैखौ सिनायग्रा
बर' फिसाफ्रा
बुडे नोंखौ दर बिमा।
गाबदों नों बै रोमै समनिफ्राय;
एखम्बा हांमा सुरै
एखम्बा दाखायै, दिनैसिमबो।
गाबनांगोनसो नामा आयै, अरायबो ?
गावनि गोबौनि फिसाफोरखौ
खाना खीमानांभोनायाव
बोरै सहायनांखो
नोंसो मिथिगो आयै मोथो मोथो।
फैयै फैयै मुगानि गुथालाव,
दिनै नोंनि अनजालु सासेबाव
फिसाज्ला हाग्रामा महिलारिनि
रुबायदु आबाद्राय,
फलाम मोफलामदों नोंनि गोसोव;
बाजल-बाजल मोसादों आयै!
जों बर' फिसाफ्रा नोंनि मोखाडव,
बि टि सि बिबारनि गेवलांनयाव।

जायखलं बसुमतारी
फरायसालि- गौरां हाइ स्कुल
गामि- (टिनली) लावरी पारा

सिमां

मैयानि हराव आंदि मा सिमां नुदोंमोन,
मैया मैया बुंसनोना हाया।
सानजा फेसालियाव ओंखारबोनाय
फुबिलिनि गोरलै जारै सानखौ नुनानै
आंनि गोरबो बिखायादि मानो एसेबां मुहिहाबदों
आं मानोबा एसेबो हमादं हायाखैमोन।
आं सानदोंमोन बिनो आंनि जीउ
गंसे जायराव देरायाव बिजोंनो
आलो गोजोन संसारा जाफुःसारगोन।
नाथाय जेव्ला सानजौ फुनि दुंसारनायाव
मोदोमफ्रुबाय बुहुमाव फोथायथि गैयै बिसआ
हाग्रानि जुनारफ्रा थाखुमाबाय दंफां बिलाइयाव
जरासे फारीआ गाब्बाय लैथो बिखायाव,
मुश्री गैयै आयनि मिनिस्तुनायावो
लांसुनियाफोरनि फानदायनायाव
जानांबाय दिनै जिनाहारि!
हतसुरिया बिमानि अगियाव फिसा नों
बुंलांबाय आंखो बेलासि बुब्लिया अब्ला ?
थै गैयै देहाखौ लानानै नाजादोंमोन आं
लोगो हमथारगोन जोबथा फेसालियाव।
नाथाइ, गुस्थियाव जारै मिनिनायजों
खोमसि गोसोयै बुंलांबायल' बियो,
अनजालु नोंनि सिमाड,
सिगांआवनो थाथोंदे
गुबुननो दाफोरमाय

जालाउ बसुमतारी
गामि- रनछाइथाम
गामि- रनछाइपारा
जिला- चिरां, बि टि सि।

अनजुलि रजे

-उटजल ब्रह्म।

अनदोंमोन नों रजे
सिबिदोंमोन नों
दिनै..... ॥
मानि थाखाय
माखौ लाना, मा सानानै,
गोबौयाव दावदाव देनलांखो;
बुजि मोना-मोना
हमस नो हाया, हमदां हाया
उदां जीउयाव खालामलांबाय नों;
दाहा गलांबाय बायफलेनाय गैयै संसाराव।
नोंनि सिबिनाय, नोंनि फोथायनाय
बोजोबदोंमोन आं रजे;
दिनै..... !!
मानो नाजाव दिया आंनि अननाय।
मिथिबाय रजे;
बेफोर सम आरो मुगानि भावथिना
गोबौ बिखाया गावलांबाय
बायफलेलांबाय गोबौ गोसोया
नंखाय जीउनि दिड जावलांनयाव
मिथिबाय, बे नंखाय मोजां मोन्नायनि गेजेरजों
गोसो गोबौ जीउ सोलेरा बायफलेलांबाय
देहा सोलेरा लोरबां जालांबाय
गोसोनि मिजिया लैथोयाव दोबैलांबाय
गोजावलांबाय रजेया बुर्लु बुथुराव
जानांबाय आ गोदाव सोराव।
जोबबाय।

फैमाल थांबाय

फैमाल थांबाय आं आरो
नोंनि मोजां मोन्नाया।
जाथाय गावखौनो गाव आं
जेबो बुजिनो हायाखिसै,
नाथाय नोंदि आंखौ
जोबोर मोजां मोनदोंमोन।
नाथाय आं नोंनो अननाय
आरो मोजां मोन्नायखौ
नोंनो होजोबबायमोन।
नाथाय नों आंखौ
नागारनायाव आं
जोबोर दुखुबो जादों।
नाथाय आंखौ दा नों
हास्थायव्लाबो मोन्नाय
नंला नाथाय दा आंनो
रावखौबो नंला नोंजों
गारजानायनि जुनै सना।
नाथाय नों आंखौ
गारनायाव पाप नांबाय।
आरो नों आंनि लाइजामाव
इन फजिबोल लिरनायाव
आं गाबनो ओंखारदों।

दैदेन ब्रह्म
गामि- कफरागाव

रंजालि गथ'फोरनि सौरा

गोसो थोनाया खाबसे बिस

निमल चन्द्र बसुमतारी

आंबो गोसो थोबाय नोंखौ
नोंबो गोसो थोबाय आंखौ
आंबो मोजां मोनबाय नोंखौ
नोंबो मोजां मोनबाय आंखौ
आंबो हास्थायबाय नोंखौ
नोंबो हास्थायबाय आंखौ
आंबो अनफेबाय नोंखौ
नोंबो अनफेबाय आंखौ
आंबो नायाव्लातो थानो हाया
नोंबो नायाव्लातो थानो हाया
आंबो गोसो होबाय नोंनो
नोंबो गोसो होबाय आंनो
आंबो हाबा लाबाय नोंखौ
नोंबो हाबा लाबाय आंखौ
आंबो गोरिब
नोंबो गोरिब
आंबो मावरिया
नोंबो मावरिया
दानिया जाबाय जों हाखा-खुन्द
सानफ्रोमबो नालाय-खमलाय
संखि-बानलुनि हेब्रे-माब्रेजों
आंबो हेंथा
नोंबो हेंथा
मोनलोंबाय जों दासो
गोसो थोनायनि खाबसे खाबसे बिस।

सिखि

सिखि नों मा एसे समायन मा एसे रमायना।
नोंनि बे महर मुश्रीखौ नुनानै.....।
आं गोसोबाय नुआखेमोन।
आं रावखौबो नाथाय आंनि
बे बिबार बारि आव हासिडे नों ?
सिखि गेवलां गेवलां गलाव बिबाराव,
बाबाथाय नों बेसे समायो.....।
नोंनि बे गाबआ गोजा, गोसोम,
गोमो, गुफुर, मा एसे समायना नों सिखि।
नों आंनि सानफ्रोमनि दुखु सुखुखौ.....।
नोंखौ आंनि जिउनि लोगो;
नों दिनैनफ्राय आंखौ लोगो साननानै लादे।
बे बिबार बारि आव सानफ्रोमबो बाफैबाय
था, आंनि दुखु सुखुखौ सुगलाय होफै।

मिच प्रथिमा राणि ब्रह्म
फरायसालि- जोंमा बड फरायसालि

लाइजाम

लिरहरबाय आं दिनै
नोंनो गांसे लाइजाम
नाजावदो अनसुला र' जे,
गोथार गोसोजों
आंनि गिबि लाइजामखौ।
अनोव्ला जादो नों,
अराय आंनि जिउनि
लिरफेराखेमोन आं अरायबो
लिराखेमोन लाइजाम रावनोबो,
लिरा सानदोंमोन गोसोआ
नाथाय.....
नोंनि महारनो बिहरो
आंनिफ्राय लाइजाम।
मा खालामनो अनुसुला र' जे
मेगननि हायना नोजोरखौ।
समनि फाखनाव गिदिफानाय,
दैनि गुथालाव बुसोम जानाय
लाइमोन समनि गोसोनि लुबैनाय
खालि नांगौ नोंनि अननाय,
दिनै नाजावदो नों लाइजामखौ
होदो आंनो अननायखौ
आंनि जिउनि थाखाय
नों अराय आंनि मोदाय
बे जोनोमाव लिरबाय आं
नोंनो सैथि खलबनि
मोजां मोननायनि लाइजाम।

मिच इन्दु बसुमतारी
तितागुरि गोजौ फरायसालि
जिला- क' क्राझार बि टि सि।

बसोदोमधि

नोंनो गिबि आंनि मेगननि नोजोराव
मुड नोंनि जेरै सोदोमधि
महरा नोंनि नायबाय थाथावथाव
बारफुनाय गलाप बिबार बायदि।
लोगो मोनजेननाय समाव
खसायधाम महालया फुजायाव
गोसो माब्रैबा हरखाब मोजां मोनबाय
नोंनि समायना महरखौ नुनानै।
बावनो नाजाव्लाबो बावनो हाया
नोंनि समायना महरआ
बिखाया खलाब मोनखाडे नोंखौ गोसो खाना
गोसो गोबौ गुसु मेलेमाव।
गलाप बिबारनि महर देरफुनाय नों सोदोमधि
खावलाया नोंनि जारै रौ
बेनो बोनानै लाडे गोरबोखौ
अनजालि गोथार गोसोनि फोथायसुलि।
लोगो मोनोव्ला सानो रायदावनो
हमथाना थाफिनो गोसोआ
गोसोआवनो थाफिनो खुगानि राव।
फोजोब होबाय नों
नोंनि गोबौनि गोथौ मिजिकखौ

श्री आगष्ट नाजारी.
गामि- थाकथारा
ला:सो:- रन्छाइथाम
जिला- चिरां बि टि सि

आफा प्रभु

उजि फेबाय आं माया पुरीआव,
न'वा आंनि सैथो पुरीआव।
मुड आंनि मिथ्या
जातिया आंनि अदैथ्य ॥
आफा! आं माखौ सोलोंगोन,
आं माखौ फोरोंगोन।
आं मोनथिगोन।
आंमा माखौ बुंगोन ॥
आफा! नोंनो यन्त्री
आं यन्त्र!
आं र' थ,
नों र' थो ॥
जायखौ नों मावहोयो,
आं बेखौनो मावयो।
नों जायखौ बुंहोयो;
आं बेखौनो बुंगो;
आं जेबो नडा आफा;
गासैबो नोंनो "आफा प्रभु" ॥

बुधदेव नाजारी
गामि-स' नापुर (एलेंमारी)
ला:सो:- दुमाखि गुरी (द' तमा)
जिला- कक्राझार बि.टि.सि.आसाम।

दिखारनि हांमा

आंनि जीउनि सिमानि मोदाय
बिखायाव थानानै नों
दुखु दाहा होयो मानो, हायनारी ?
आखाय फोलाव फोलाव
लिहरो नों अनसुला खालामो।
जीउ आरो सिमानि आबि सारफावनो
फैलाव बाला बारीनि बारा बारफिननो
नोंनि बिखायाव जेव्लाबो उनफलेनो हाया,।
सहायनो हायै बारनि जेथोआव,
गोदान जीउनि गोहो होफिननो
नोंनि गोसोनि साननायखौ जाफु होनो हालिया
जादों नोंहा दुखु मानि दिखाराव हांमा।
जादों नोंहा दाहा मानि हांमायाव
गोदोनि बाश्रा जवान बान्था नाथाय नों।
सानै नों बाश्रा राइज्यायनायनि,
सिमानि मोनसे देरा लुनायनि
देखो बोनायनि सावगारीयाव
मिजं गैयै लामा दबथायाव ,,
सानदों दासो हारसिडे हायनारीया सिरि सिरि
इयुन मिजिक गोगोमै गान्थि खानो।

रन्दा बसुमतारी
काराइगाव स्कुल
गामि- कात्रीबारी
ला:सो:- रुणी काता।

गाहाइ मन्थि नरेन्द्र मदिखौ नाइजिरिया हादतआ गावसिनि देरसिन सन्मानजों मान बाउदों

अबुजा, 17 नभेम्बर: गाहाइ मन्थि नरेन्द्र मदिखौ अबुजा मुनि जायगायाव नाइजिरियानि देरसिन सन्मान 'दा ग्रेन्ड कामान्दर अफ दा अदरि अफ दा नाइजर' जों मान बाउदों। बेयो बिथानि गुबुन हादतनिफ्राय मोन्नाय 17थि हरिमायारि बान्था जागोन। रबिबारखालि गाहाइ मन्थि नरेन्द्र मदिनो बे बान्थाखौ नाइजिरियानिफ्राय होनाय जागोन। नाइजिरियानिफ्राय देरसिन सन्मान मोन्ना हानाय मन्थिआ मुलुगनि नैथि गाहाइ सुबुं जागोन। बिथानि



सिगां बिटेननि महासानि एलिजाबेथआ सासेल' गुबुन हादतनि दिगनिटेरि सुबुं, जाय 1969 माइथायाव नाइजिरियाआ बे सन्मानजों मान बाउदोंमोन। बिथानि

गोदान दिल्ली, 17 नभेम्बर: हादरनि राजथावनियाव गुसु बारनि थासारिया गोखोंसिन जाबाय। बेनि जाहोनाव, दिल्लीयाव शनिबारनि फुंआ बोथोरनि दासिमनि बयनिखुइबो गुसुसिन जायो। स्मगजों लोगोसे खुवानि खुनायाबो रोजा जाबाय। बोथोर बिगियान बिफाननि बायदिब्ला, दिल्लीयाव रबिबारनि फुंआव गेजेर एबा रोजा खुवा खुयो। बेनि जाहोनाव बोथोर बिगियान बिफाना येल' एलार्ट फोसावदों। सान्नि उनाव, दिल्लीनि सरसनसा बाडयसिन बिदुड



13 डिग्री सेलसियासनि खाथि-खाला फेनो हागौ। शनिबारनि फुडव दिल्लीनि सफदरजंगनि खाथियाव गेजेर थाखोनि खुवा खुदोंमोन। बे समावनो दिल्लीनि आइजिआइ बिरखं गाथोननि खाथियाव खुवानि जाहोनाव फुडव बाडयसिन नुथाया 500 मिटारमोन। जेब्ला गेजेर खुवा खुयो अब्ला नुथाया 200 निफ्राय 500 मिटारसिम जायो। जेब्ला रोजा खुवा थायो अब्ला नुथाया 50 निफ्राय 200

मिटारल' जायो। बेयो रोगाथाय सिबिथाय आरो बिरखंनि बिरनायखो बांसिन गोहोम खोखलै नो हागौ। बोथोर बिगियान बिफाना सुबुंफोरखौ गारि सालायनाय समाव सांग्रां जानो आरो खुवा सोरां बाहायनो बोसोन होदों। बेनि उनाव समबार आरो मंगलबारव गेजेर खुवा खुनायनि आसा दं। बोथोर बिगियान बिफाननि बायदिब्ला, दिल्लीयाव शनिबारव बांसिन बिदुड 29.6 डिग्री सेलसियास

थिसनजादों, जाय सरसनसा बिदुंनिफ्राय 1 डिग्री गोजौसिनमोन। बाडयसिन बिदुड 15.3 डिग्री सेलसियासआव थादोंमोन, जाय बोथोरनि सानजेरनिफ्राय 2 डिग्री बांसिनमोन, जाय सिगांनि साननि 0.3 डिग्री सेलसियास गाहायाव दंमोन। बेनि जाहोनाव, सनिबार फुंआ बे बोथोरनि दासिम बयनिखुइबो गुसुसिनमोन। दिल्लीनि सा-सोनाबनिफ्राय घन्टासेआव 10 निफ्राय 16

किल मिटार गोखैथिजों बार बारगासिनो दंमोन। बेनि जाहोनाव, हादोरनि हायेन ओन्सोलाव बयनिखु बाडइसिन बिदुड 11 डिग्री सेलसियास रेबगान्थानय जादों। बेनिखायनो रिज ओन्सोला बयनिखुइ गुसुसिन जायगामोन। बोथोर बिगियान बिफाननि बायदिब्ला, फुंनि 7 रिगानिफ्राय फुंनि 8 रिगानि गेजेराव आइजिआइ बिरखं गाथोननि खाथियाव गेजेर थाखोनि खुवानि जाहोनाव बाडयसिन नुथाया 500 मिटारमोन। मोनाबिलिनि 8.30 रिगानयाव बिरखं गाथोननि खाथियाव बाडयसिन नुथाया 700 मिटारसिम बांदों। सफदरजनि खाथियाव गेजेर खुवा खुदोंमोन। सफदरजनि खाथियाव बाडयसिन नुथायाखौ फुंनि 7.30 रिगानिफ्राय 8.30 रिगानि गेजेराव 300 मिटार रेबगान्थानय जादोंमोन। सफदरजनि खाथियाव फुंनि 9 रिगानयाव बाडयसिन नुथाया 400 मिटारमोन।

इजराइल-हामासनि दावहायाव लांखार जानायफोरखौ रैखा खालामनो हादतगिरि बाइडेन आरो ट्राम्पखौ खावलायदों



तेल अभिब, 17 नभेम्बर: थांनय 2 सप्ताहयाव गाजायाव दावहा दोन्थ'नायखौ लानाने सावरायनायजों राजखान्थियारि नोजोराव दिग्राय बिन्दो नुनो मोन्दों। आमेरिकानि विसायख'थि, इजराइलनि रैखाथि मन्थिखौ बिबाननिफ्राय बोख्खानयाव, कातारआ गेजेरनि जानाने सावरायनायखौ नेवसिनायनि थांखि लानाय आरो लेबानानआव सोलिबाय थानाय

दावहाया गाजायाव दावहा दोन्थ'नो हाथावनाखौ गोब्राबसिन खालामो। अदेबानि जेबथेना लाखिनायफोरनि माखासे नख'रनि सुबुंफोरा बाइडेन आरो ट्राम्पजों लोगो हमना आर'ज गावदों। लांखार जानाय आलेकजेन्डरनि बिमा-बिफाया वाशिंगटनआव ट्राम्प आरो बाइडेनजों लोगो हमो आरो खेबसे

गोरोबथायवनो गासिबो लानाने दोनहेनायफोरखौ लाबोनयनि थाखाय जुथायै खामानि मावनो खावलायो। गुबुन सासे आइजो बेन बारुचआ बुंदोंदि, ट्राम्पआ ओन्सोलाव गोजोनखौ हास्थायो। बाइडेनआ जेब्लायबो बुडोदि, बियो हमना दोनहेनायफोरखौ रैखा खालामनो सानो, बेनिखायनो ज'जानाने खामानि मावनांगोन। फारसेथि इडएन जख्खा समिटिनि

मोनसे गोदान रिपर्टआव गाजायाव इजराइलनि थांखिखौ बुथागल्नुनाय होन्ना बुंदों। समिटिआ इजराइलनि सायाव गोसो जानाने बुथारनाय, उखैहाबनाय आरो गोब्राब जोखोम जाहोननि दाय जाबसिन्दों। इयकआव शिखा मिलिशिया गुपआ शनिबारआव इजराइलनि गोबां जायगाफोरव डूनजों गाग्लोबो आरो खोला इजराइलआव मोनै मख'जाथाव जायगाफोरखौ थांखिना गं 4 डूनजों गाग्लोबो। डूनजों सान्थिनि केम्पखौ थांखिनाय जादोंमोन। अदेबानि बेयाव खहा जानायनि जेबो खौरां मोन्नाय जायाखै। खोला लेबानानआव 5 कि:मि: सिंसिम हाबहेना इजराइलनि सान्थिआ लेबानानआव गाग्लोबनायनि उननिफ्रायनो इजराइलनि हा सान्थिआ सिमनानिफ्राय आवगायालांदोंमोन।

इजराइलनि गाग्लोबनायाव इरानआ गोबां खहा जादों

इजराइल, 17 नभेम्बर: इजराइलनि गाग्लोबनायाव इरानआ गोबां खहा जादोंमोन। रायटारफोरनि मोनसे रिपर्टनि बायदिब्ला, थांनय अक्टबर दानाव इजराइलनि उरां जाहाजजों गाग्लोबनाया इराननि जौसिन थाखोनि स्रोद गुन्द्रासा आन्जादसालिया सिलिंखार जादोंमोन। इजराइलनि बे थांखिजों इराननि गुन्द्रासा हाथियार संदानायखौ फर्सफिनो नाजानायखौ गोखोडे सेलेन्स होदों। रिपर्टनि बायदिब्ला, बे गाग्लोबनायाव गुन्द्रासा



जोन्थोराव इउरेनियामखौ बेंखन्नाय प्लास्टिक बेरफुग्रा बेसादफोरखौ डिजाइन खालामनायनि थाखाय बाहायजाग्रा जोन्थोरफोरखौबो सिलिंखार खालामदोंमोन। बेनि सोमोन्दे आथिखालाव इजराइल आरो आमेरिकानि बिबानगिरिआ मोनसे आलादा सल'

फोरस्मायदों। एक्सिससनि मोनसे रिपर्टनि बायदिब्ला, तलेघन 2 सुबिधाआ मोनसे समाव इराननि अमाद गुन्द्रासा हाथियार हाबाफारिनि बाहागोमोन, जायखौ 2003 आव होबथाना होदोंमोन। नाथाय हाइ-रिजाल्युशन जोन्थोरजों इमेजरिनिफ्राय रोखा जायोदि,

तालेघन 2 बिलिडड इजराइलनि गाग्लोबनायाव आबुडे सिलिंखार जादों। इजराइलनि गाग्लोबनाय सिगां इजराइल आरो आमेरिकानि संगालि बिफावनि गेजेरजों नागिरना दिहुन्नाय सन्देह खालामनाय गुन्द्रासा संदानाय हाबाफारिफोरखौ लानाने व्हाडट हाउसनि फारसेनिफ्राय इराननो सांग्राथि होदोंमोन। नाथाय इरानआ बेसांग्राथि होनायखौ खे-खेरायाखैमोन। बेजों इराननि थांखिफोरखौ लानाने गासै मन्डलाव जिंगा सोमजियो। वेबायदिनो इजराइलआ इराननि गुन्द्रासा हाथियारफोरनि सिमांफोरखौ फेलें खालामना होयो।

चीनआव गंसे स्कुलआव दाबा सुरिजों सुनाय केसआव सा 8 सुबुंफोरनि जिउ गोमादों, सा 17 जोखोम

बेइजिं, 17 नभेम्बर: चीनआव फिन खेबसेबाव दाबा सुरिजों सुथारनाय जाथाय नुजाथिदों। बेयाव गंसे फालांगियारि स्कुलआव जानाय दाबा सुरिजों सुनायाव सा 8 सुबुंफोरनि जिउ गोमायो आरो सा 17 सुबुंफोरा जोखोम जादों होन्नाने सुलुडाव फोरस्मायनाय जादों। बेयाव रेहाय आरो रैखा खालामनाय हाबाफारि सोलिगासिनो दड आरो दायनिगिरिखौ जायगायावनो हमनो हायो। हमजानायनि उनाव दायनिगिरिआ गावनि दायखौ सिमान लायो। बेनि बावेसो सिगां सासे सुबुड गावनि कारजों माखासे सुबुंफोरखौ होखेमदोंमोन। बे



जाथायावबो सा 35 सुबुंफोर थैदोंमोन आरो सा 43 सुबुंफोरा जोखोम जादोंमोन। बे गासै जाथाया सान्ना चीननि जियांसु

ओन्सोलनि होन्नाने सुलुडाव फोरस्मायनाय जादों। स्कुलआव दाबा सुरिजों सुनाय जाथायनि सोमोन्दे पुलिसआ

फोरस्मायदोंदि, दायनिगिरिआ आन्जादआव फेल जादोंमोन आरो बेनि जाहोनाव बियो डिग्रीनि फोरमानलाइखौ

मोनाखैमोन। बेनि अनगायैबो बियो इन्टर्नसिप भेतनजोंबो गोजोनाखैमोन। बेबादिआव गावनि रागा जोंनायखौ फोरमायनो थाखाय स्कुलआव हाबनाने गाग्लोबो। बेराफारसे कारजों झुहार सहरनि खेला गेलेग्रा मिरुआव होंगो-दोंगो सुबुंफोरनि सायाव होखेमनाय जाथायनि फारसे पुलिसआ फोरमायदोंदि, फेन मुंनि दायनिगिरिआ बिसिजों तालाक जानायनि उनाव सम्पति रान्नायाव गोजोनाखै, जायनि जाहोनाव बेबादि जाथायखौ खालामो। बिखोबो जाथायसालियावनो हमो। बे जाथायनि सायाव दुखु मोन्नाय फोरमायनाने चीननि हादरगिरि शि जिनिफिं आ जोखोम जानायफोरनि फाहामथायाव मदद खालामनो खावलायो।

लस एन्जिल्स अलिम्पिक 2028 नि थाखाय हान्जाफोरनि थियारिआ दानिफ्रायनो गोहैलोयै जागायदों



गोदान दिल्ली, 17 नभेम्बर: लस एन्जिल्स अलिम्पिक 2028 आ जुथाय राइज्यो आमेरिकानि लस एन्जिल्सआव खुंजागोन। बे मेगा इभेन्टआ 2028 नि 14-30 जुलाइनि गेजेराव बान्जायजागोन। जेराव लस एन्जिल्सनि सोरगिदिं गोसारनाने थानाय गुबुन गुबुन ओन्सोलारि थावनिफोरखोबो इभेन्टनि थाखाय माखासे

हाबाफारिफोरखौ थियारि खालामनाय जागोन। लस एन्जिल्सआ सरसन्सायै 2024 नि उइन्टार अलिम्पिकनि थाखायबो बेटि लागायदोंमोन। नाथाय बे खेबआव बेयो बान्जायनो मोनाखै। 2017 नि 13 सेप्टेम्बरखालि पेरुनि लिमाआव जालानाय 131 थि आइअसिनि सिजनआव मावख'यारि महरै लस

एन्जिल्सनो बे मेगा टुनामेन्टखौ बान्जायनायनि मोन्थायखौ गथायनाय जादों। खुंजानो गोनां बे इभेन्टआ लस एन्जिल्सनि थाखाय अभाअल गुथि इभेन्ट जागोन। जेराव बेनि थाखाय लस एन्जिल्सआ सोलिफु समनिफ्रायनो थावनिफोरखौ फोसाबनो हमदों। 1932 आरो 1984 आव अलिम्पिक खौ बान्जायनायनि उनाव लस एन्जिल्सआ लन्डन आरो पेरिसनि उनाव थामथि बे इभेन्टखौ बान्जायनाय सहर जासिगोन। बेनि थाखाय स्टेडियामजों नांजाबनाय सोरगिदिं थावनिफोरखौबो सोलिफु समनिफ्रायनो फोसाबनो हमदों।

पाकिस्तानाव सान्थिफोरनि केम्पनि सायाव गाग्लोनायाव सा 7 सुबुंफोरनि जिउ खहा, सा 10 जोखोम



इस्लामाबाद, 17 नभेम्बर: पाकिस्ताननि गोजोन गैयै बलुचिस्तान ओन्सोलाव थांनय शनिबारखालि गिदिर गाग्लोबनाय जाथाय जायो। बे गाग्लोबनाया मोनसे रैखाथि आउट परस्ट (केम्प) आव जायो। बे गाग्लोबनायाव रैखाथि मावसुमाफोरजों लोगोसे खमैबो

सा 7 सुबुंफोरनि जिउ गोमायो आरो सा 10 सुबुंफोरा गोब्राबे जोखोम जायो। बेनि सोमोन्दे अ 1 थि ख 1 ल 1 व नायबिजरगासिनो दड। पाकिस्ताननि जिय निउज चेनेलनि खौरनि बायदिब्ला, बलुचिस्ताननि कलात जिल्लायाव जानाय

गाग्लोबनायाव सा 7 सुबुंफोर थैयो। होबथाजानाय बलुचिस्तान लिबरेशन आर्मि (बिएलए) आ बे गाग्लोबनायनि दाय लायो। आथिखालाव ओन्सोलारि सरकार आरो रावबो गागि बिबानगिरिया बेनि सोमोन्दे जेबो बिबुंथि होयाखै। गाहाइ मन्थि शाहबाज शरिफ आरो जुथाय नख'र मन्थि महसिन नकवीआ बे गाग्लोबनायखौ सोंखारिनाने थैनायफोरनो बिबार बाउयो। सुलुडाव फोरमायनाय बायदिब्ला, बावेंसो सानफोराव बलुचिस्तानाव होबथाजानाय अलगाववादी हान्जाफोरनि

गाग्लोबनाया बांदों। थांनय सप्ताहयाव ओन्सोलनि क्वेटा रेलवे स्टेशनआव मोनसे सुइसाइड बमजों गाग्लोबनायाव खमैब्लाबो सा 27 सुबुंफोरा जोखोम जादोंमोन। बेरा फारसे रैखाथिनि फारसे जिंगा सिनाने बलुचिस्ताननि माखासे बाहागोफोराव थांनय शुक् बारखालि मबाइलनि इन्टारनेट सिबिथायखौ बन्द खालामदोंमोन। रैखाथिखौ नोजोर लाखिनाने आरो ओन्सोलाव आयेनारि बेबस्थाखौ लाखिनो थाखाय बे राहाखौ लानाय जादों होन्ना पिदिएआ बुंदों।

गोर्बोनि अनसेमानो

दाखालि हुरागासे नों सांबायबायदोंमोन- माबोंरे दं ? नख'राव माबोंरे ? ? आं बोलो मोना-मोना आंनि खबर खोन्थानो माबोंरे, सान्दों आं- नोंनो फोरमायनायावबो आंहा माबा खैफोद ? संखि-बानलुनि रोखोमसे दावहा, थाखा-फैसानि नेरलायलायनाय आरो सिमानि बेसेदि आय' बिदा फंबायमोनजों। सिथलायाव गोथां थैफोरनि खांसोर मोनामानाय सैमाफोरा सोलास्तिब-सोलास्तिब

उदै बुंजासे गोजोन मिनिलानाय बिखौ नुना आय'आ खाफाला आखाय हमना बबा सिथलायावनो, आयआ माबा बुंगोन सान्दोंमोन जानांगौ नाथाय जों रावबो खोनासडसे मुखुब जादोंमोन जों नोंसिनो गोरोन्थि बिनिसो दाय आसि थुयै-थुयै जों रावबो राव दाय गनायलाया, जों गावजों गाबनो गावसालायबाय आरो नै अनसेमा जों गावसालायनायनिफ्रायनो मुखुब आंनो बिसोरबो- नाखेबलायनो गादबलायनो।

दा आंनि बिदा फंबायमोना न'नि सोरगिदिं कमबिलिट-बाल होना एल, सि, सि, एन बायदि जातनि सैमा फिना न' सिनिफ्रायनो रायहरो- गुन्दा, लुस्सा, बैमान बायदि बायदि आं सैजो हाया-हाया न'आव सि-फैफिना नोंनो फोरमायनो खोलोमल' गंसे दैबाय.. नों फिन सानसे दा सोंफैफिनसै आं खोन्थानो रोंफिनाय नंलिया।

रिसार औवारी (जि.इ.उ.के. चि)

(1 बिलाड़िनफ्राय)

कक्राझारआव एन सि सि हाफ माराथन खुंदों

21 किल 'मिटार माराथन खारनायाव पंक्ज कुमारआ हौवाफोरनि चेम्पियन महरै नुजाथियो, जेराव दिपक भट्ट आरो कैलाश चौधुरीआ फारिये नैथि आरो थामथि जायगा आवग्रिनो हायो। तामसि सिंहआ आइजोफोरनि थाखोआव सेथि मासियाव देरहायो बेनि उनाव अमृता पटेल आरो गिता कुमारी गरहआ फारिये नैथि आरो थामथि मासिखौ आवग्रिनो हायो। 10 किल 'मिटार खारनाय बादायलायनायाव नितिश कुमारआ हौवाफोरनि थाखोआव सेथि जायगा आवग्रिनो हायो, जेराव आकाश पटेल आरो सन्दिप सिंहआ नैथि आरो थामथि जायगा आवग्रिनो हायो। आइजोफोरनि थाखोआव के एम संगिता पालआ सेथि जायगा आवग्रिनो हायो, बेनि उनाव चन्द्र कला लुइटेल आरो पाहि केयटआ थामथि जायगा आवग्रिनो हायो।

5 किल 'मिटार बादायलायनायाव, स्खेमलां साब्सआ हौवाफोरनि थाखोआव सेथि मासियाव देरहानो हायो, जेराव अमल देबनाथ आरो हितेश बर'आ नैथि आरो थामथि जायगा आवग्रिनो हायो। सनध्या यादबआ आइजोफोरनि बादायलायनायाव सेथि जायगा, रेहेना खातुन आरो दिपिका मुन्डाआ नैथि आरो थामथि जायगा आवग्रिनो हायो। बे हाबाफारिया आसामनि गेलेमु आरो लाइमोन अन्साइ मन्थि नन्दिता गारलै'सानि बान्था रान्नाय हाबाफारिजों जोबलाडे। बे फालिथाइयाव बिबुथि होनायै, मन्थि गारलै'साआ बड'लण्डआव गेलेमु आरो दावबायथायखौ जौगाहोनायाव बेनि गोनाथिनि सायाव गोसो होनायै हाबाफारिनि जाफुंसारनायखौ बाखनायो। बिथाड फेबाय थानाय बोसोरफोराव आरोबाव बांसिन बाहागो लानायनि मिर्जि थिदों। मन्थिआ बुंवावोदि हाबाफारिनि जाफुंसारनाया बादायगिरिफोरनि थुलुंगानायजों आरो गुबुन गुबुन हारिमुवारि हाबाफारिफोरजों जाफुंसारदों। गासै 15 लाख रॉनि बान्थाजों माराथनआ गहाइ गेलेमु आयदाफोरनि मोनसे मिरु महरै कक्राझारनि गोहोखौ दिन्थिफुंदों, जाय गोजोन, हारिमुवारि जिउगोनं आरो एथलेटिक साबसिननि नेरसोन महरै गावनि सावगारिखौ आरोबाव बांहोदों।

पुडिजि, एनइआर मेजर जेनेरेल गगन दिप, बिटिसिनि मावफुं सोद्रोमा दाडबाइसा बर' आरो धर्म नारायण दास, कक्राझारनि जिल्ला बेंगिरि मचान्दा पर्टिन, गेलेमु आरो लाइमोन अन्साइ बिथोनगिरिनि जथाय बिथोनगिरि अन्तरा गौजों लोगोसे आलासिफोराबो बे हाबाफारियाव बाहागो लायो।

सान्जा गवालपारानि गुबुन गुबुन जायगायाव...

थांखि आजावयैनि अजद दैखंदों रइजो-रजाफोरा। फारसेथि दिने सानाव गासै मा 40 हाग्रानि मैदेर फालोआ आदार नागिरनाय हाग्रा ओन्सोलनिफ्राय जिल्लानि कारिपारा गामि ओन्सोलयाव हाबफेनानै दुब्लियाव माय मोन्नायखौ जानानै सिलिंखार खालामनायजों लोगोसे बायदि ख'हा खालामनानै फारिये-सेसापानि गामिनि रइजोआरि गय बागान, थालिर बिफानि आबाद, ख्वाट बायदि आबादफोरखौ सिलिंखार खालामलाडे। फारसेथि, गाव-गावसोरनि जिउखौ गिनाय गैयाजासे गुबुन गुबुन राहा बाहायनानै हाग्रानि मैदेरनि फालोखौ सान-हर नाडे होखारहस्तो गामियारि रइजो-रजाफोरा थांखि आजावदों। मख'नो गोनांदि, सान्जा गवालपारानि गुबुन गुबुन ओन्सोलयाव हाग्रानि मैदेर फालोआ बेबायदि उतखार खालामनायाव माखासे ओन्सोलनि रइजो-रजाफोरा जिंगासिनानै थानो गोनां जादों। मख'नो गोनांदि, गाव-गावसोरनि थिनानै दोन्नाय धोनखौ बाहायनायजों लोगोसे जोबोद खामानि मावनानै माय आबाद, थालिर बिफानि आबाद, ख्वाट आबाद, गय बागान ख'हा खालामलानायाव आथिखालाव गेदेर ओन्सोलनि रइजो-रजाफोरा दखुजों मोगा-मोगि जानो गोनां जादों। थाबेनो हाग्रानि मैदेरनि बेबायदि उतखारनिफ्राय गेदेरथार ओन्सोलनि थागिरिफोरखौ रैखा खालामनो जायगानि दोलो-आफाद, फरायसा आफादया आसाम सरकार, जिल्ला हाग्रा बिफान, जिल्ला कमिसनारखौ खावलायदों।

जालाहआव गथ'सा मोन्थाइ सप्ताह खुंदों

एकाडेमिनि गोरयुं भबेश शर्माआ आफादगिरि मासि सामब्लायनाय बे मेलाव सिमला पुलिस थानानि बिबानगिरि चन्दन गौ, जालाह आउट पर्टनि बिबानगिरि गायत्रि गौ, जालाह जौगाखां आफादनि आफादगिरि सत्यजित दास मोननि अनगायैबो माखासे गागि सुबुं आरो सा 200 निबो बांसिन फरायसाफोरा बाहागो लायो।

कक्राझार आफलागाव गामियाव महिम चन्द्र

बसुमतारिआ माइनाव थिसन्नाय हाबाफारि खुंदों

सबैस्वर बसुमतारिआ रायथिगिरि दौरि महरै बाहागो लानानै दुब्लिआव माइनाव दिखानाय फोर्बेनि माइबिदां हाजेन्नाय हाबाफारिखौ बिमा माइनावनि खाथिआव रायफोरना होयो। हाबाफारियाव नख'र बिगोमा महिम चन्द्र बसुमतारिआ गावनि फोर्बेजों लोगोसे बाथौ दोहोरामनि सायाव माखासे बाथ्रा बुंथियो।

(1 बिलाड़िनफ्राय)

बरबरिआव पुलिसआ गंसे नंखाय स'नानि नावजों ...

जिल्लानि आनन्दपुरनिफ्राय सानै नंखा स'ना फालांगिरिखौ हमनो हायो। सिग्रोमनाय समाव पुलिसा नंखाय स'ना फालांगिरिनिफ्राय एएस 14 एम 5973 नम्बरनि गंसे मटर साइकेलें लोगोसे गंनै मबाइल फन आरो गंसे नंखाय स'नानि नाव बोखानो हायो। हमनो हानाय सानै फालांगिरिखौ हमनानै बरबरि पुलिसआ दासादि जेर खालामगामिसिनो दं होनानै मिथिनो मोन्नाय जादों।

मानासयाव बिमार्जों लोगोसे मोसा फिसाफोरनि सावगारिआ..

गोनांदि, मानास माहारियारि पार्कनि भुजापारा रेन्ज ओन्सोलयाव लामायाव थांलाय-फैलाय खालामबाय थानाय बुन्दि मोसा, फिसाफोरनि सावगारिआ समाजारि बिजोडाव बांसिनथारै फोसावजानायनि उनावनो दिने बेबायदि नुथायखौ नुनो मोन्नायनि मिजिडाव भुजायापारा रेन्ज ओन्सोलयाव गोबां दावबायारिफोरखौ फैन्याय नुनो मोन्दों। भुजापारा रेन्जनि रेन्जार भिबेका नन्द पाठकआ दिने खौरंगिरिफोरनि सिगाडाव बुंदोंदि, मानास माहारियारि पार्कनाय आथिखालाव मोसानि अन्जिमाया गोसो हास्थायनाय बायदियै बांन्यायखौ सान्नाय जादों।

उदालगुरि जिल्ला आइनि सिबिथाय बिफाननि ...

भेगाव महकुमा पुलिस बिबानगिरि दुर्गा किंकर शर्मानोहा बाहागो लाफेदों। लोगोसेनो बे हाबाफारिनि फोरथाय बादायाव उदालगुरि जिल्लानि गथ'सा अन्साय आफाद, जिल्ला गथ'सा रैखाथि हान्जा, एडपसन एजेन्सि, गंग्रोमबो पुलिस बादानि बिबानगिरि आरो जिल्लानि सरकारि नडे आफादनि सोद्रोमाजों लोगोसे उरिखल आरो पिप्लभिफोरा बाहागो लाफेदों।

खैराबारियाव दर-उदालगुरि जिल्ला थाखोनि सावगारि

शरनियाआ। खैराबारि टाउन गोखौ फरायसालियाव दर-उदालगुरि जिल्ला थाखोयाव मोनथाम दालायाव खुंन्याय बे बादायलायनायनि क दालायाव सेथि, नैथि आरो थामथि मासिखौ आवग्रिनो हायो फारिये उदिपत बरुवा, तनुसि साहा आरो कुम्फ बर'आ। बे बायदिनो ख दालायाव नेस्सुमे बर', प्रितम राभा आरो सिबिसना बर'आ फारिये सेथि, नैथि आरो थामथि जायगाखौ आवग्रिनो हायो। गुबुन फारसैथि, ग दालायाव सान्तना सेन, धनन्त्यति नाथ आरो अन्जालि बर'आ फारिये सेथि, नैथि आरो थामथि मासि आवग्रिनो हायो। बादायलायनाय हाबाफारिनि उनाव बान्था रान्नाय हाबाफारियाव फोरगिरि, लाइमोन बुंथिगिरि उत्तम राडाआ बाहागो लानानै फरायसाफोरखौ थांखिनानै खाथि-सोदोंथाइ आरो थुलुंगाखां बिबुथि होनानै बुडेदि, मोनसे जाफुंसार इयुनाव जिउ खुंनो थाखाय फरायसाफोरा अरयबो दाजाबथायारि सानसिजों समखौ थि महरै बाहायनानै फरायसा जिउनि गासैबो मावबिबानखौ फालिलानांगो, मानोना गाजि सानसिखै फरायसानि सोलेंथाइयारि जिउखौ दावगालाहोनाया हेंथा सोमजिहोयो। बे हाबाफारियाव फरसथाननि आफादगिरि आरो गागि लिगिरि सुरेन्द्र महन राभा, खैराबारि फरायसालिमानि बिबुगिरि कमल रय, फोरगिरि परसुराम डेका, खैराबारिसाहित्य सभानि बारग' नेहाथारि दिलिप बरुवा, सावगारि बोगिरि शंकर शरनियाजों लोगोसे माखासे गागि आलासिफोरा बाहागो लायो।

(1 बिलाड़िनफ्राय)

मणिपुरनि हिंसायारि जाथायनि सायाव गिदिर...

बिबानगिरिफोरजों मोनसे सावराय मेलबो जथुमगोन। उतखारिफोरा दाय गैयै सुबुंफोरखौ बुथारनायनि उनाव मणिपुरनि सासे गागि मन्थिजों लोगोसे साथाम बिजेपि आरो सासे कंग्रेस एमएलएनि न'आव सनिबारनि मोनायाव अर सावना होयो। सुबुंफोरा मणिपुरनि गिबि मन्थि बिरेन सिंहनि न'आवबो गालोबनो नाजादोमोन, जायखौ रैखाथि हान्जाया फेलें खालामो। बिनि सिगाडाव, मोनसे दुथां सुबुंफोरा साथाम मन्थिफोरजों लोगोसे सा 6 एमएलएफोरनि न'आव गालोबदोंमोन। मणिपुरनि गुबुन-गुबुन ओन्सोलफोराव होनाय कार्फिउनि गेजेराव हिंसानि बांलानाय जाथायफोरा मिरु सरकारनि जिंगाखौ बांहोदों। थासारिनि गोथोथिखौ नायनानै, अमित शाहाआ बिसायख'थि रेलिखौ दोनथ'यो आरो गोखौ थाखोनि बिबानगिरिफोरजों मोनसे सावराय मेल खुंनो थिरांथा लायो। नेशनेल पिपल्स पर्टि (एनपिपि) आ दिने हिंसाजों गोहोम गोग्लेनाय मणिपुराव बिजेपि दैदेन्नाय सरकारनिफ्राय मदद होनायखौ बोखारना लाफिनो। दोलोआ दाबि खालामोदि गिबि मन्थि एन बिरेन सिंह दैदेन्नाय सरकार आंखालखौ सुखानो आरो राइज्योआव सरासनसा थासारिखौ लाबोफिन्नायाव आबुडे'फेलें जादों। मणिपुर आयेन आफादाव 60 एमएलएफोर दं। बेनि गेजेराव सा 7 आ एनपिपिनि एमएलएफोर। एनपिपिआ बिजेपिनि आफादगिरि जे पि नडुनो गंसे लाइजाम लिटरनानै बुंदोंदि थानाय माखासे साननिफ्राय मणिपुरनि थासारिया गाजिसिन जालांदों। गोबां दाय गैयै सुबुंफोरा जिउ खोमानांबाय। राइज्योनि सुबुंफोरा गोबां जेनाजों मोगा-मोगि जानांदों। जों हमदानो हायोदि बिरेन सिंह सरकार आंखालखौ सुखानो आरो सरासनसा थासारिखौ लाबोफिन्नायाव आबुडे'फेलें जादों। सोलिबाय थानाय थासारिखौ नोजोर होनानै, नेशनेल पिपल्स पर्टिआ मणिपुरनि बिरेन सिंह सरकारनिफ्राय गावनि मददखौ बोखारनो थिरांथा लादों। दिनेनि मोनाबिलियाव मणिपुरनि इम्फ्ल-सोनाब जिल्लयाव बिजेपिनि एमएलए कंखाम रबिन्द्रनि न'खौ सुबुंफोरनि मोनसे हान्जाया बुफायदों। सुबुंफोरनि मोनसे हान्जाया मायां इम्फलाव रबिन्द्रनि न'आव गालोबदोंमोन आरो बिथाजों सावरायनो दाबि खालामदों। नाथाय बै समाव एमएलएआ थाग्रा खुलियाव गैयामोन।

नलबारिनि कहुवा रिजर्टयाव हाग्रानि मैदेर फालोआ गोबां ख'हा

जामरतल, जाबन, कटाहकुसि, केहेरुवा, बरघपा, खानाजान बायदि ओन्सोलाव गासै जायगायावनो थानाय नै बोसोरनिफ्राय हाग्रानि मैदेर उतखार खालामबोदों होना मिबिथिनो मोन्नाय जादों। आसाम सरकारनि हाग्रा बिफाननि मन्थि चन्द्र महन पाठवारि आरो नलबारि बिथायनि एमएलए आरो मन्थि जयन्त मल्ल बरुवानि बिथोन बायदियै सम-सम हाग्रा बिफानआ हाग्रानि मैदेरनि फालोखौ होखारहस्तो नाजाबोदोंमोन्बलाबो फेलें जाबोदों। जर'खायै गासै मा 80/100 मैदेर फालोआ जिल्लानि सा आरो सान्जा ओन्सोलायाव हाबफेनानै आबाद फोथारनि माय मोन्नाय, बारि बागाननि थालिर बिफां, न'-बांफोरखौ सिमफाफोरा सिलिंखार खालामदों। जायखौ लानानै गोबाव सान नाडे रइजो-रजाफोरा गिखाना थानो गोनां जादों। बे ओन्सोलनि सुबुंफोरखौ हराव उन्दुनो हायै थासारि सोमजिहोदों हाग्रानि मैदेर फालोआ। मख'नो गोनांदि, थानाय हराव हाग्रानि मैदेर फालोआ जिल्लानि धनतलायाव थानाय कहुवा रिजर्टयाव ख'हा खालामफेदों। माखासे न'-बांफोरखौ सिमफाइलानायजों लोगोसे बिफां-फाइफांफोरखौबो ख'हा खालामो। गुबुन फारसे, हाग्रानि मैदेर फालोआ आबाद थिलि, न'-बांफोरखौ ख'हा खालामनाय सानफ्रोमबो खोनानो मोन्नाय मोनसे जाथाय सोमजिदों। हाग्रानि मैदेर फालोनिफ्राय उदां खालामनो ओन्सोलनि गामियारि रइजो-रजाफोरा हाग्रा बिफाननि थिखानाय बिफाननिमिम दाबि दैखानायजों लोगोसेनो बे बिथिडाव जिल्ला हाग्रा बिफान आरो जिल्ला कमिसनारनि अनगायै गिबि मन्थि डू हिमन्त बिश्व शर्मानि थांखि लानायखौ हास्थायदों। हाग्रा बिफानआ सुबुंफोर थानाय ओन्सोलनिफ्राय हाग्रानि मोनसे गेदेर मैदेर फालोखौ होखार हरनयनि राहा लायाब्ला ओन्सोलयाव मैदेर-सुबुंफोरनि गेजेराव गिखंथाव दावहानि थासारि सोमजिगोनआ रोखा होना सांरां रइजो-रजाफोरा मिर्जिथिदों।

तामुलपुराव 'अक्षीता फिजिअ थेरापि आरो फेइन क्लिनिक' मुनि देहा सिबिथाय मिरु

सायख'जानाय सोद्रोमा हेमन्त कुमार राभाया बेखेवनानै होयो। फुं समाव मिरुखौ नख'रनि हेफाजाबाव जायगानि बाप-बान्दरफोरा नाम आर'ज खालामनायजों मिरुखौ इयुनाव जाफुंसारनायनि थाखाय हास्थायो। गुवाहाटी फाहामथाय फरायसालिमानिफ्राय फिजिअ थेरापिनि मोजां सोलेंथाइ लानानै बरुका गामिनि सेग्रा डू जगन्नाथ डेकाया बे मिरुयाव रइजो-रजाफोरनि खाबु गोनां बादियै फाहामथायखौ जागायजेदों। बेखेवनाय हाबाफारिखौ आजिरि मोन्नाय गहाइ फोरगिरि फारियै गपाल राजबंसि आरो महन चन्द्र डेकामोहा सामलायदों। हाबाफारियाव मिरुखौ बेखेवना होनाय बिटिसिनि सायख'जानाय सोद्रोमा हेमन्त कुमार राभाजों लोगोसे नुजाथि फैन्याय जर'खा सुबुंफोर देहा सिबिथाय मिरुनि गेजेरजों तामुलपुरनि रइजो-रजाफोरा मोजां फाहामथाय मोनगोनखौ मिर्जिथिदों।

सुंद'सल' साव

गोबाव सम सिगां, दरसे गोजान हादोदआव मोनसे फिसा राजथावनि दडमोन, राजथावनिआव नफ्रा समायना गोजामोन। बे राजखुंगुराबो जोबोद नायनो समायनामोन। बे राजखुंगुरा गाव जेखौ लुबैयो बेखौनो मोनजोबनायमोन थैवबो बियो जोबोद दुगा आरो लुबैसुलामोन। सानसे जोबोद गोजानाय बोथोरनि हराव सासे बुरि बिबायारि फैनानै राजखुंगुरनि खाथियाव हरसे थानो थुखाय आरज गावफैन्यासै। मानोना बायजोआव जोबोद गुसुथारमोन। बुरिनि बे बायदि आरज गावनायाव राजखुंगुरा बुरिनाव सोंबाय - आं थानो जायगा होब्ला नों आंनो मा होनो? - अब्ला बुरिया बारसे गलाब बिबार होनो जासिन्यासै। नाथाय राजखुंगुरनि गोसोआव अन्नाय गैयैलाय बुरिखौ जायगानिफ्राय होखार हरनायसै। बिदि होखारनायखौ खोनानानै बुरिआ सासे मोदायजोनि महर लानायसै आरो राजखुंगुरखौ गोसो गाजिनि थाखाय साजा होनो सान्नायसै आरो नायै नायैनो राजखुंगुरा मासे गिखंथाव जुनातनि महर सोलायहोजोबनायसै लोगोसे खामानि मावग्रा फोरखौबो महर

सोलायजोबनायसै। राजखुंगुरा जोबोत गाबनानै निमाहा बिनायसै, अब्ला मोदायजोआ बुंन्यायसै - आंथ' आं साव होनायखौ लाफिननो हाला नाथाय नैबे गलाब बिबारा ला आरो खोनासं बे गलाब बिबारनि गांखंआ रान्नानै सिरिनयनि सिगां नों सासे जायखि जाया मानसिखौ मोजां मोन्नांगोन जाय नोंखौ मोजां मोनफिनगोन। नडब्ला नों अराय सम जुनात जानानै थागोन, आरो जुदि बै मानसिआ नोंखौ मोजां मोनोब्ला नोंनवा आं साव होनाया जोबगोन। बिदि बुंनानै मोदायजोआ स्रोत गोमोरनायसै। जुनात महर लानाय राजखुंगुरा गावखौ राजमहलनि सिंआवनो दोमखुमानायसै मानोना बियो गावनि गिथाव महरखौ मानसिफोरनि सिगाडाव दिन्थिनो लाजिदोंमोन। जादुनि आयनाजोंसो बियो बायजोनि जाथायफोरखौ नुनो हानायमोन। गोबां बोसोर थांबाय रावबो बेखौ मोजां मोनाखं जुनातआ आसाखौनो गारबाय जे बेखौ सोरबा मोजां मोनगोन होन्नानै। आरो लासै लासै सिरिजेननो हमबायमोन गांफा-गांफा गलाप बिबारनि गांखंआ। बे रायजोनि

राजथावनिनि खाथिआवनो दरसे फिसा गामि दंमोन, बे गामिआवनो सासे नायनो मोजां सिख्लासा रंजालि मुनि दंमोन, बियो बिफाजों थायोमोन, बिमा गैजालामोन। रंजालिनि बिफा नरेनआ सासे मिष्टिमोन आरो गोदान गोदान जिनिनस बानायनानै बाजार निफ्राय फानहैन्यायमोन। गामिनि मानसिफ्रा रंजालिखौ मोजां मोनजोबोमोन। रंजालिआ अराय सम बिजाबजों सान थांहोनायमोन। सासे सेंग्रा फलाना बिनि खिबु खिबु खारफानायमोन। नाथाय रंजालिआ बेखौ थाल होयामोन। सम सम फलाना बुंन्यायमोन - नों मानो बिजाबनि सोलायैआंखौ नाया आं बिजाबनिफ्राय साबसिन। सानसेखालि नरेनआ गावनि जिनिनसखौ फाननो गरायाव गाखोनानै थांदोंमोन, नाथाय हाग्रा गेजेराव बियो लामा आन्द्रायनायसै आरो हाग्रानि माखासे सियाल फोरजों बेंथेजानायसै। नरेनआ खारनानै हाग्रा गेजेराव मोनसे सोमो नांथाव गोजाम राजमहलाव सौहैन्यासै। राजमहला सिंआव, गंसे केथलि, गंसे घरि आरो गेसे ममबाति देनगआ नरेनखौ बरायनायसै। बिसोर बुंवावबाय - जौनि गुरुआ नोंखौ बेयाव नुयोब्ला

रागा जोंगोन बेखायनो नों थाव ओंखार लांदो। नरेना केथलि रायज्जलायनायखौ गोमोबाय। बे समावनो गिखंथाव जुनातआ नुजाथिन्यासै आरो नरेनखौ हमनानै महलनि दन्दराव सोनानै दोनबाय। गराया खारनानै नआव सहेन्यासै, रंजालिआ गरायखौ हारसि फैन्याय नुनानै जोबोत जिंजा सिबाय। बियो गरायनि बिखुंआव बारखोनानै बुंबाय -थौ आंखौआफानिसिम लां। लोगो लोगो गराया गोखै खारनानै बै राजमहलसिम लानानै थांबाय। रंजालिआ नायगिरनानै बिफाखौ दन्दराव मोनहैबाय बे समावनो ज उ न ा त अ ब ा खोथियावनुजाथिफेबाय, रंजालिया गोमोनायजों आरो गिनायजों गाबनानै बुडे -आफाखौ हगारदो बिनि सोलायै आंखौ जोबथेनानै दोन्दो। जुनातआ रंजालिनि खोथायखौ मानिन्यासै। बियो रंजालि बिफाखौ होखारहरनायसै। आरो रंजालिखौ लाखिन्यासै। रंजालिखौ जुनातआ बुंबाय - नों बे महलाव खुलायै बेरायनो हागोन। बे महला दिनेनिफ्राय नौनि नाथाय सोनाबनि खथायाव दाहाब बे खथाया नौनि नडा। नाथाय हर गेजेराव रंजालिआ सिरि-सिरि सोनाबनि खथायाव हाबखुमाहैबाय। बेयाव बियो जादुनि गलाब बिबारखौ नुनानै गोमोबाय जायखौ खोरखि खाथिनि दिंग्रियाव सोनानै दोनदों। जुनातआ गाराजों खिरखिनिफ्राय हब्राहरनायसै। रंजालिआबो

गिनायजों हाखु दाखु ख'थानिफ्राय ओंखारबोनायसै। गिनायजों रंजालिया महलखौ नागरनानै हाग्रा थिंजाय खारलांबाय, जेराव बियो माखासे हाग्रानि सियालजों होसो जानायसै। बे समावनो बै जुनातआ नुजाथिफे नायसै आरो सियालफोरखौ होहरजोबनायसै। रंजालिआ नुवाय जुनातनि सिगांनि आथिंआ थै गदों। रंजालिआ दुखु मोनबाय। रंजालिआ बेखौ महलाव लाबोनायसै आरो आथिंआव सि खानानै होनायसै। आंनि जिउखौ रैखा खालामनायनि थाखाय गोजोनथों। जुनातआ जेबो बुडबालानो थाबाय। नाथाय जेब्ला रंजालिआ गुबुनथिं थाखें अब्ला बिनि थिंजाय मिनिस्तु खालामहरनायसै। माखासे दिनफ्रा सुखुयै थानायसै। जानो हागौ बेनि साव होनायखौ बोखानो हासिगोन। केथलिआ रायज्जलायखोमानायसै। सानसेखालि जुनातआ रंजालिनाव सोंबाय- नों बेयाव खुसि नामा रंजालि? -औं आं खुसि। नाथाय आं आफाखौ खेबसे नुयोब्ला गहाम जागौमोन आं बियो मात्रे दं। रंजालिया फिनबाय। नों बेखौ खालामनो हागोन। बिब्दि बुंनानै जुनातआ बिनो जादुनि आयनाखौ होबाय। आयनायाव रंजालिया नुबाय बिफाया गावखौ नायगिरगामिनो दं, नागिरै नागिरै बिफाया गोलैदों -आं नआव

थांनांसिगोन नडब्ला आफाया थैसिगोन। रंजालिया गाबनानै बुंबाय जुनातआ दुखुयै बुंबाय नों थानो हागोन नाथाय जादुनि आयनाखौ लांफानांगोन जाहाथे नों आंखौ बावआ। जादुनि आयनाया रंजालिखौ बिफानिसिम लानानै थांबाय नाथाय न'आव लाबोखानायनि उनाव माखासे गामिनि मानसिफ्रा बिफाखौ फगला जाबाय होन्नानै बुंबाय, बै फलाना बिसोरनि गेजेराव बुंबाय बेखौ जों फगला फाहामग्रा जायगायाव हरसिगोन, मानोना बियो बुंदों गावनि फिसाजोखौ हाग्रानि जुनातआ हमनानै दोन्दोंनो। फलाना मोनथिगौमोन नरेना फगला नडा होन्नानै बियो रंजालिनि सिगाडाव बुंखमाबाय - जुदि नों आंखौ हाबा लायोब्ला आं बयनोबो बुंथिगोन नौनि बिफाया फगला नडा बियो मोजांसो होन्नानै। बियो जेब्लाबो जानो हाया, बे खामानिखौ आं मावगोन। रंजालिया फिनबाय आरो गामिनि मानसिफोरखौ खाथिआव लिंहर जोबनानै बुंबाय आफाया फगला नडा बै जुनातआ थारैनो मोखथाडाव दं बेखौ जुनातखौ सोरबा सोरबा गिबाय, बेखौ नुनानै रंजालिया बुंबाय - नोंसोर दागि बियो जेबो गाजि हाबा मावआ। जेब्ला फलाना नुयो जे रंजालिआ बेसे मोजां मोनायजों बै जुनातखौ नायदों अब्ला बेहा मेगन सानायसै बियो बुंन्यायसै -

रायजोफोर बे जुनातआ नायनाय बेसे गिखंथाव बियो जोंखौ उदखार खालामफेनो हागौ आरो जौनि गथ' गथायफोरखौबो लांखारनो हागौ, जों बेखौ बुथारहैनगौ। अब्ला गामिनि मानसिफ्रा बयबो राजि जाबाय आरो बै जुनात थाग्रा महल थिंजाय थांबाय। रंजालिआ लाखिनो नाजाब्लाबो हायाखिसै। बिबो उन उन महलसिम सहेफाबाय, बियो नुबाय फलान आरो जुनातआ बुलायगामिनो दं। जुनाता रंजालिखौ नायनानै बुलायनो बावबाय। बे समावनो फलाना दाबासुरिजों जुनातनि बिखुंआव सुनानै होनायसै। जुनातआ सानाय मोन्नानै गोबारै हब्राबाय, बेखौ खोनानानै फलाना गिनानै फासयलांबाय आरो दै बेसेबा गोथौआव गोलेहैबाय। रंजालिआ जुनात गोग्लेनाय खाथिआव हास्थु खेराफे बाय आरो बिनि खावलाआव खुदुमफेबाय आरो बुंबाय -नों थैनो मोना मानोना आं नोंखौ मोजां मोनो। बिदि खोननाय लोगो लोगो बै जुनाता सासे नायनो समायना सेंगरसानि महर लाबाय। मानोना सावनिफ्रायबिबो रैखा मोनबायमोन। बयबो गोमोजोबबाय बेखौ नुनानै। जादुनि गलाब बिबाराबो बारफिनबायमोन आरो रंजालिजों सेंगराजों हाबा जानायसै जायखौ जुनात महरावबो रंजालिआ मोजां मोन्दोंमोन। बेबायदियैनो बिसोर आलो गोजौनै रइजो जानायसै ह्र

गाहाम देहानि राहा

माखासे गोरान फिथाइफोरा हाइ इउरिक् एसिडनि जेंनानि थाखाय मुलाम्फा गोनां

थि समाव हाइ इउरिक् एसिडनि जेंनाखौ फोजोबनाया जोबोद गोनांथार, नडब्ला नोथाड बेनि थाखाय खहा जानानो हागौ। बारयनाय इउरिक् एसिडखौ सामलायनो थाखाय जिउ खुंनय आरो आदारनि सानथाखिखौ मोजाडे लाखिनायाव गोसो होनांगोन। नोथांनि फोरमायथिनि थाखाय मिबथिहोयोदि, माखासे गोरान फिथाइफोरा बे जेंनाखौ बोखारनायाव हेफाजाब होनो हागौ। गाहायाव होनाय गोरान फिथाइफोरा हाइ इउरिक् एसिडनि थाखाय मुलाम्फा गोनां।



सानफ्रोमबो काजु बादामफोर जानो जागायनांगौ। थार बिबाडव आरो थार लामाजों काजु बादामखौ जानानै इउरिक् एसिडनि थाखोखौ बाडय खालामनो हायो। भिटांमिन-इ आरो भिटांमिन-के गोनां काजुआव जोबोद बाडय बिबांनि पिउरिन थायो। 3. अखरट: सानफ्रोमबो अखरट जानानै इउरिक् एसिडनि बारयनाय थाखोखौ दबथायनो हायो। इउरिक् एसिड बांनानयि जाहोनाव देहायाव सोमजिनाय बुनायनिफ्राय रैखा मोन्नो थाखाय अखरटखौबो जानो हायो। 4. बादाम: जुदि नोथाड लुबैयोब्ला सानफ्रोमबोनि आदार बिथांखियाव बादामखौ सोफादेरनानै हाइ इउरिक् एसिडनि जेंनाखौ फोजोबनो हायो। सानफ्रोमबो 2-4 सिदोवनाय बादामफोर जानो जागायनांगौ। बादामाव गोबां बिबांनि खनिज मेगनेसियाम थायो, जाय इउरिक् एसिडखौ दबथायनो हायो।

1. खिजुर: भिटांमिन, पर्टेसियाम आरो फाइबरजों बुंफबनाय खिजुर हाइ इउरिक् एसिडखौ गोबां बिबांसिम सामलायनो हायो। सानफ्रोमबो मोनै खिजुर जानाया सावखि मुलाम्फाफोर होयो। 2. काजु बादाम: जुदि नोथांनि इउरिक् एसिडआ बांनयब्ला

भिकटरिया कजेरआ मिच इउनिभास 2024 आव डेनमार्कनि गिबि देरहागिरि जानो हादौ

21 बोसोर बैसोनि भिकटरिया कजेरआ मिच इउनिभास 2024 नि बिमुंखौ गावनि मुखव खालामनो हादौ। बेजों मुलुगनि बयनिखुइ मुंदांखा बिउटि कन्टेस्टआव डेनमार्क आ गिबि जायगा आवग्रिनो हायो। बिथांखौ मिच निकारागुआ, शेन्निस पलासियसआ मुखुट गानहोदौ। फास्ट रनार्सआपआ नाइजेरियानि चिडिमा एड्रियानाआ जादौ। बेराफार्स नैथि रनार्सआपखौ मेक्सिक 'नि मारिया फार्नान्डा बेल्दुनआ मोन्नो हादौ। मेक्सिक 'आव खुंफुनाय 73 थि मिच इउनिभास कन्टेस्टआव डेनमार्कनि भिकटरिया कजेर थिलभिगआ देरहासर जानो हादौ। 21 बोसोर बैसोनि देरहागिरिआ मुलुगनाडै नो बाहागो लाफेनाय सा 125 बादायारिफोरनि बेरेखायै बादायलायदौमोन आरो बेनि गेजेराव बारतनि रिया सिन्हाआभो दंफायोमोन। 21 बोसोर बैसोनि भिकटरियाआ डेनमार्क नि गिबि मिच इउनिभास जानो हानानै जारिमिन सोरजिदौ। 2024



आव डेनमार्कनि राजथावनि ओन्सोलनि सबर्ग, ग्रिब्सकभआव जोनोम मोनाय बिथाडा बिजनेस आरो

बाखायजायो आरो आथिखालाव बिथांनि थांखिआ उकिल जानाय। बिथांनि बिउटि कन्टेस्टनि दावबायनाया हादरनि बयनिखुइबो मुंदांका मिच डेनमार्क जों जागायदौमोन। जेब्ला बिथाड मिच ग्रेन्ड इन्टारनेसनेलनि टप 20 आव बाहागो लादौमोन अब्ला 2022 नि हरिमायारि थाखोआवबो सिनायथि मोन्नो हादौमोन। 2024 नि सेप्टेम्बर दानआव भिकटरियाखौ मिच इउनिभास डेनमार्क 2024 नि मुखुट गानहोदौमोन।

फावखुंगुर धमेन्द्रआ सशेल मिडियाआव मोनसे परट शेयार खालामनानै खौराडव थादौ

धर्मेन्द्र आ हिन्दी सिनेमानि लिजेन्ड फावखुंगुरफोरनि गेजेराव सासे। 88 बोसोर बैसोनि फावखुंगुरआ आथिकालाव सशेल मिडियाआव जोबोद एक्टिभ थायो आरो सानफ्रोमबो इन्डास्ट्रीनि गावनि माखासे गोजाम लोगोफोरनि गोसोखांथि बाथाफोर आरो सावगारिफोरखौ शेयार खालामबाय थायो। बे समाव आथिखालाव गोदान मुं, 70 जौथायनि बै समाइना आरो हेलेन्टेड फावखुंगुरखौ लानानै



लिखदौं, थानाय माखासे बोसोरनिफ्राय इन्डास्ट्रीआव मुंदांखा फावखुंगुर हिसाबै जायगा आवग्रिनो हानाय धर्मेन्द्र आ सानफ्रोमबो गावनि सशेल मिडिया परटखौ लानानै खौराडव थाबाय थायो। 17 नभेम्बरावबो बिथाडा गावनि

लिखदौं, लोगोफोर रेखाया जोंनि नख 'रनि जेब्लाबो अनसुलिमोन आरो जेब्लाबो थगोन। आथिखालाव रेखा आरो धर्मेन्द्रनि बे समाइना सावगारिया इन्टारनेटआव सावराय जानायनि जाहोन जादौं। अन्सायगिरिफोर बिथांमोननि बे सावगारिनि सायाव गोबां लाइक आरो कमेन्ट खालामगसिनो दड, जायनि जाहोनाव बेयो गोखैयै भाइरेल जागसिनो दड। मिबथि होनाय जायोदि, बिथाड गावनि लोगो रेखाजों लोगोसे लानाय सावगारिनि परट सेयार खालामनाया गिबि खेब नड। बिथांमोनहा सिगाडव जयै गोबां खामानिबो मावखांबाय। 70थि जौथायाव रेखाया 'सावन भादौ' सावथुननिफ्राय हिन्दी सिनेमायाव आगान होफेजेन्दौमोन।

जेम्स बन्ड 007 नि कास्टिआ सोलायनाय फैगोन

रुपाय - एक्शन सावथुनफोरखौ मोजां मोनग्रा सुबुंफोरखौ 'जेम्स बन्ड 007' सिरिजनि सावथुनफोरनि गोबाव समनिफ्रायनो एन्टारटेन खालाम बोगासिनो दड। 62 बोसोरनिफ्रायनो बे प्रेन्साइजिखौ आलादा - आलादा फावखुंगुरफोरजों लोगोसे जेम्स बन्ड सिरिजनि सावथुनफोरखौ बानायखांबाय। जेम्स बन्डनि जोवथा सावथुनाव डेनियेल क्रे गआ गाहाइ फावआव नुजाथिदौं। अदेबानि आथिखालाव खोनानो मोन्दीदि, बे सिरिजनि फैगौ सावथुनाव गोदान कास्टि जागोन। जेम्स बन्ड 007 सावथुननिफ्राय फावखुंगुर डेनियेल एंगार जानायनि उननिफ्रायनो सुबुंफोरनि गेजेराव सावरायनाया सोलिगासिनो दड, जे सोर बायदि फावखुंगुरआ बे फावखौ दिन्थिगोन। बेनि सायाव प्रडिउसर बारबरा ब्रकलिआ मोनसे गोनांथार खौरां होदौं।



बिथांनि बुंनय बायदिब्ला, गोदान जेम्स बन्डआ सासे गोसोम फावखुंगुरएवा आश्वेत फावगिरि जानो हागौ। बारबरा ब्रकलिआ मोनसे इन्टारभिउआव बुडोदि, जेब्ला जों गोदान फावखुंगुरखौ कास्ट खालामो एब्ला सावथुना आबुडै सोलायजोबो। सावथुनाव जेब्लाबो सोरबा सासे फावखुंगुरआ जेम्स बन्डनि फावखौ दिन्थियो अब्ला बे फावआव माखासे गोदान

आरो आलादा दिन्थिनाय जायो। जेब्ला जों डेनियेल क्रे गखौ कसिन रयाल (2006) आव 007 नि थाखाय साइन खालामदौंमोन अब्ला सुबुंफोर आलादा-आलादा रोखोमनि रिएक्शन होदौंमोन। इउकेनि इएन प्रडाक्शनआ जेम्स बन्ड फ्रेन्चाइजियाव क्रि एटिथ हिसाबै बांसिनै लोगोआव थाफायो। फारसेथि एमाजन एमजिएम स्टुडिओआबो

अक्षय कुमआ 'हेरा-फेरि 3' सावथुननि सोमोन्दै मोजां खौरां होदौं

रजु भैयानि फावआव अक्षय कुमारखौ नायफिनो थाखाय सावथुन नायनो मोजां मोनग्रा सुबुंफोर जोबोद एक्साइटेड जादौं। डायरेक्टर प्रियदर्शननि कल्ड कमिडि फ्रेन्चाइजि हेरा फेरिनिफ्राय अक्षयनि बे फावआ सिनायथि मोन्नो हादौंमोन। बेनि अनगायैबो बाबु भैया आरो श्याम बायदि केरेक्टरआबो हेरा फेरिनि जाफुंसारनाया गहाइ बिफाव लादौंमोन। गोबाव समनिफ्रायनो अन्सायगिरिफोरा हेरा फेरिनि थामथि खोन्दौ एवा हेरा फेरि 3 थि थाखाय नेनानै दड। बबेखानि अक्षय कुमारआ आथिखालाव मोनसे फिनजाथाय होदौं, जाय बेनि फारसे नोजोर होयोदि थाबैनो बिथांमोननि बे नेबाय थानाय समआ जोबसिगोन। थानाय समफोरव गोबां खेब हेरा फेरि 3 सावथुननि मेकिंखौ लानानै आलादा आलादा रोखोमनि खौराड सोराडव फैदौंमोन। माब्लाबा स्टार कास्टनि सोलाय-सोल' जानाय, माब्लाबा डायरेक्टर आरो प्रडिउसरखौ लानानै गोन्-गोथो जानाय नुनो मोन्दौं। आथिखालाव हेरा फेरि 3 खौ लानानै फावखुंगुर अक्षय कुमारआ गावनो आपडेट होदौं। बावैसो सिगां मोनसे मिडियाजों मोगा-मोगि जानायनि गेजेरजों अक्किआ बे बिथिडव गावनि राय दोन्दौं आरो बुडोदि, आथिखालाव जों बयबो 'बेलकाम टु दा जंगल' सावथुननि थियारि खालामनायाव नांथानानै दड। बेनि उनाव जुदि बिथोनगिरिफोरनि गोन्-गोथोआ क्लियार जाबाय अब्ला जों बेनि सायावबो फकास खालामगोन। जंखायनाय रावयै बिथाड बुंबावयोदि, फैनो गोनां बोसोरवबो जों बेनि खामानिखौ जागायनो हागौ। अक्षय कुमारनि



बे फिनजाथायजों गोरलैयैनो हमदंनो हायोदि, फैगौ बोसोरव हेरा फेरि 3 नि सुटिखौ जागायनो हासिगौ। माखासे सान सिगां हेरा फेरिनि गासिबो चिमखौ जयै स्प्ट खालामनाय जादौंमोन।

'दा साबरमति रिपर्ट' सावथुननि बक्स अफिस कालेक्शनआ नुजाथिबाय

भिक्रान्त मेसिनि 'दा साबरमति रिपर्ट' सावथुनआ 15 नभेम्बरखालि थिएटरफोरार रिलिज जादौंमोन। बे सावथुनखौ रिलिजनि सिगां माखासे जेंनाजों मोगा-मोगि जानायबो नुनो मोन्दौंमोन। माखासे सुबुंफोरनि बुंनय बायदिब्ला, मेकासफोरा सावथुननिफ्राय इमेज व्हाइट वाश खालामनायनि खामानि मावदौं। अदेबानि मेकासफोर एवा फावखुंगुरफोरनिफ्राय बेनि सायाव जेबो रिएक्शन फैयाखैमोन। दा साबरमति रिपर्ट सावथुना अपेनि डेनि सानाव नख 'रारि बक्स अफिसआव खमैबो 1.25 कौटि रॉसिम कालेक्शन खालामदौंमोन। सावथुननि नैथि सानाव रॉ आरजिनाय बिथिडव बांनयखौ नुनो मोन्दौं। रिपर्टनि बायदिब्ला, सावथुना रिलिजनि नैथि सानाव गोखैथिजों लोगोसे 2 कौटि रॉसिम कालेक्शन खालामबाय।



बबेखानि सावथुननि दासिमनि गासै कालेक्शनआ 3.25 कौटि रॉनि खाथियाव सौहैबाय। सावथुनखौ 50 कौटि रॉनि बानायनाय होना मिबथिहोनाय जादौं। बक्स अफिसआव सिगांनिफ्रायनो सोलिबाय थानाय भुल भुलैया 3 आरो सिंघाम एगेनआबो गावनि कालेक्शनव दावखोगासिनो दड। बेनि अनगायैबो 14 नभेम्बरखालि रिलिज जानाय कंगुवा आरो हलिउडनि 'ग्लेडिएटर 2' आबो थिएटरआव दोहौं सोमजि होगासिनो दड। बे

अर्जुनआ लोगो जानानै लिखदौं आरो धिख ससनाआ डायरेक्शन होदौं।

'स्टार वार्स' सावथुनखौ रिलिज स्लेटनिफ्राय बोखारबाय

'स्टार वार्स' सावथुना नायगिरिफोरनिफ्राय गोबां अन्सायनाय मोन्दौं। बेनि फैगौ 'खोन्दोआ 2026 माइथायाव रिलिज जानो गोनांमोन। नाथाय दा बेनि रिलिज अक्टआ फासयबाय। अदेबानि डिजिआ 2026 नि रिलिज स्लेटनिफ्राय 'स्टार वार्स' सावथुनखौ बोखारबाय। सुलुनि बायदिब्ला, स्टार वार्स सावथुनखौ गिबियाव 18 दिसेम्बर, 2026 माइथायाव रिलिज जानो गोनांमोन, नाथाय दा बेनि रिलिजखौ स्लेटनिफ्राय बोखारबाय। बबेखानि स्टार वार्स



सावथुननि जायगायाव आथिखालाव गुबुन सावथुना जायगा आवग्रिबाय आरो बे सावथुननि मुंआनो जादौं, 'आइस एज 6'। थानाय सप्ताहयाव डिजिआ फोसावदौंमोनदि, साइमन किनवर्गखौ स्टार वार्स ट्रायलजिखौ लिखनो आरो बानायनो थाखाय लाबोनाय जादौंमोन। लुकास सावथुननि दैदेनगिरि के थलिन रेनीडिआबो ट्रायलजिखौ बिथोन होगोन। बै समाव सुलुडाव मिबथि होनाय

जादौंमोनदि, सावथुनफोरव गोदान फावगिरि बाहागो लागोन आरो बेयो थानाय स्काइवाकर सागानि कनटिनिउटि जानाय नड। बे प्रजेक्टखौ गिबि खेब 2023 माइथायनि एप्रिल दानाव लन्दननि स्टार वार्स सेलिब्रेसनआव रायखांनय जादौंमोन। बावैसोनि सिगां थानाय सप्ताहयाव डि 23 खौ ब्राजिलाव मिबथि होदौंमोनदि, आइस एज 6 नि हाबाफारिखौ जागायबाय, जेराव रे रमान, क्विन लतिफा आरो जन लेगुइजामआ गावनि गारानि फावथिनाफोरखौ फिन दिन्थिफुंगोन।

उरिष्यान हान्जाआ हारियानाखौ फेजेन्बानै नेसनेल सेम्पियनसिपनि बिमुंखौ देरहादौ

गोदान दिल्ली, 17 नभेम्बर: उरिष्यान हकी हान्जाया सिनियर हौवाफोरनि नेसनेल हकी सेम्पियनसिपआव हारियानानि हान्जाखौ 5-1 गलआव फेजेन्बानै बिमुंखौ देरहाबाय। बे समाव देरहानाय हान्जानि जानानै सिलानन्द लाखराआ बयनिबो गोसोखौ देरहादौ। बिथाडा गारवि गोखौ दिन्धिफुनायजौ हेटिक गलखौ आबु खालामदौ। बिथानि मददजौनो उरिष्यान हान्जाया बे सेम्पियनसिपनि फाइनालाव गोलैयैने देरहादौ। बे समाव कच आरो केपेननि देदेनायनि उरिष्यान हान्जा फोथारनि फारफ्रामबो बिथिडाव सामलायदौ। जेराव रजत आकश



तिकीआ हान्जानि जानानै 11 थि मिनिटआव गल सोजेन्दौ। बिथाडा हान्जाखौ आवगायहोनायनि थिखिजौ गल पस्टनि बाउन्डरि सिडव गोब्राब नाजानायजौ गल सोदौ। बेनि

उनाव हारियानाआ गोखैथियै गागलोबनायजौ आवगायफिनो जुजिदौब्लाबो उरिष्याआ थामथि क्वार्टरआव गावसोरनि खाबुखौ लाफिनदौ। जेराव बे समाव प्रताब लाखराआ मेचनि 39

मिनिटआव पेनाल्टि स्ट्रकखौ गलनि महर होदौ। बे मेचनि ब्रैथि क्वार्टरआव मोनैबो हान्जाया गोखौ सेलेन्ज होज्जायदौ। जेराव हान्जानि जानानै शिलानन्द लाखराआ 12

मिनिटनि गेजेरवो गरथाम गल सोदौ। बिथाडा फारियै 48, 57 आरो 60 मिनिटआव गल सोदौ। हारियानानि जानानै गजिन्दर सिंहआ मेचनि 55 थि मिनिटआव जर'खा खाबु मोन्दौब्लाबो हान्जानि थाखाय मुलाम्फा जायखै। बेनि सिगां उत्तर प्रदेशआ मनिपुरखौ 2-1 गलजौ फेजेन्बानै थामथि जायगा आवगिनो हारदौ। उत्तर प्रदेशनि केपेन आरो भारतनि हारियायारि गेलेगिरि ललित कुमार उपाध्यायआ मेचनि 6 थि मिनिटआव राजकुमार पालनि हेफाजाबजौ हान्जानि लामाखौ सुझांजेन्दौमोन। मनिपुरआ मेचनि 43 मिनिटआव मद्रांथेम रबिचन्द्र सिंहनि पेनाल्टि कर्नारआव गल सोनायजौ आवगायफिनो जुजिदौब्लाबो उत्तर प्रदेशआ 54 थि मिनिटआव देरहानाय गल सोफिनदौ।

आइजोफोरनि एसियान ट्रफीआव भारतआ सेमिफाइनलाव

गोदान दिल्ली, 17 नभेम्बर: भारतनि आइजो हकी हान्जाआ एसियान सेम्पियन्स ट्रफीआव गावसोरनि लान्थियै देरहानाय अभियानखौ लाखिनो हारदौ। भारतआ पेरिस अलिम्पिकनि सिलभार मेडलिस्ट चीनखौ फेजेन्बानै बे ट्रफीनि सेमिफाइनल टिकेटखौ दानो हारदौ। मेचखौ बान्जायगिरि हारदरजौ जौसिन रेंकेनि चीनआ 3-0 गलआव जेन्नादौ। जेराव बे देरहानायजौ भारतनि गावयारि फोथारनाया बांसिनानै फेदौ। भारतआ संगिता कुमारनि 32 मिनिट आरो केपेन सलिमा तेतेनि 37 मिनिटआव गल सोनायनि मददजौ गावसोरनि देरहानायखौ रोखा खालामदौ। जेराव हान्जानि जानानै दुर्नामेन्टनि टप स्करर दिपिका कुमारिआ 60 मिनिटआव मोनाय पेनाल्टि कर्नारखौ गलनि महर होदौ। 6



थि नम्बरनि हान्जा चीननि हेंथायै बेयो भारतनि लान्थियै ब्रैथि देरहानाय। बे देरहानायजौ मुलुगनि 9 थि नम्बरनि भारतनि हान्जाया खेबब्रै मेचआव 8 पइन्टजौ पइन्टनि फारिलाइआव टपआव सौहैदौ। जेराव चीनआ खेबब्रै मेचआव 6 पइन्ट आबिनानै पइन्टनि फारिलाइआव नैथि मासिआव दाबख्तायदौ। भारतआ राउन्ड रबिननि गेलेनाय अभियानआव जापाननि हेंथायै हान्जानि

अभियानखौ फोजोबगोन। जेराव मोन 6 हान्जाफोरनि बे कन्टेनेन्टल टुर्नामेन्टआव टप 4 आव जायगा आवगिनाय हान्जाफोरा सेमिफाइनलनि थाखाय जायगा मोनगोन। थामहिनबा भारतआ आबु पइन्टजौ गोलैयैनो बे थाखोसिम सौहैनो हागोन। बेबादि थासारिआव अन्सायगिरिफोरा भारतखौनो बे दुर्नामेन्टनि बिमुं देरहागोनखौ मिजिथिदौ।

पेरा-लिम्पिकनि गल्ड मेडलिस्ट सुमित अन्तिलआ जश 2024 नि इभेन्टआव बाहागो लाफेदौ

गोदान दिल्ली, 17 नभेम्बर: नएडा क्रिकेट स्टेडियमआव 17 नभेम्बरखालि डिपिएस इन्दिरापुरमनि बोसोरनि गेलेमु सान जश 2024 आव गासै सा 4500 निबो बांसिन फरायसाफोरनि बाहागो लाफेदौ। पेरालिम्पिकनि गल्ड मेडलिस्ट सुमित अन्तिलआ बे इभेन्टआव गाहाइ आलासि महरै नुजाफेदौ। जेराव बे हाबाफारिआव नासारिफराय लानानै 12 थाखोसिमनि फरायसाफोरा गावसोरनि गैथिखौ दिन्धिफुनो खाबु मोन्दौ। बे इभेन्टआव



गेलेगिरिफोरनि सान्थौ सोमजिहोनाय, हान्जायारि हाबा आरो जौगानायनि फासै उन्दैफोरनि गोसोआव सान्दाथि लाबोनायजौ बादायहोनाय

जायो। जेराव ट्रेक एन्ड फिल्ड इभेन्टआव बांसिन बादायारिफोरा बाहागो लायो। क्रिकेट ड्रिल, कारटे, रेस 100 मिटर/200 मिटर/400 मिटरनि अनगायै

जुम्बा बायदि गेलेमुआव गुबुन गुबुन बैसोयारि केटेगोरिनि फरायसाफोरा बाहागो लाफेदौ। पेरालिम्पिकनि गल्ड मेडलिस्ट अन्तिलनि बाहागो लाफेनाया लाइमोन फरायसाफोरनि गोसोआव थुलुंगानाय लाबोदौ। जेराव गोबां फरायसाफोरानो बिथानिफराय सोलौनायनि गियानखौ लानो हारदौ। डिपिएस इन्दिरापुरमनि प्रिन्सिपाल प्रिया जनआ बे इभेन्टआव फरायसाफोरनि गोब्राब नाजानाय आरो जेनाफोरजौ सौसिनानै बारनायनि सान्दाथिजौ गावसोरनि बोसोरनि इभेन्टखौ खुंफुनो सिगांनिफरायनो जान्जि ख्राफ्राबोनायखौ फोरमायदौ। जेराव बे गेलेमुनि गेजेरजौ गावसोरनि हान्जायारि हेफाजाब होनाय आरो आवगायनायनि थुलुंगो होनायनि सायाव गियान होबोनायखौ फोरमायदौ। सिगां फासै बिथाडा फरायसाफोरखौ दावगानायनि थाखाय खौसेयै आगान सुरनायनि थिखिजौ बे इभेन्टखौ बान्जायो होन्नानै फोरमायदौ।

टी-20 इन्टरनेसनेलआव वर्ल्ड रेकर्डआ बायना फेदौ



गोदान दिल्ली, 17 नभेम्बर: निउजिलेन्डनि हान्जाया सोलिफु समाव अमानसिम दावबायनाय अभियानआव दड। जेराव बे हान्जाया खेबथाम मेचनि टी-20 सिरिजखौ गेलेगासिनो दड। बे सिरिजनि गिबि मेचआव अमाननि हान्जाया 3 उइकेटजौ देरहादौ। जेराव नैथि मेचआव नेडारलेन्डनि हान्जाया 50 रनजौ देरहाफिनदौ। बेनि उनाव सिरिजनि जोबथा थामहिनबा थामथि मेचआव नेडारलेन्डआ 29 रनजौ देरहानानै सिरिजखौ

देरहादौ। थामथि बादायनायाव अमानआ जेन्नादौब्लाबो हान्जानि आगिस आखाइनि स्पीनार साकिल आहमेदआ गोखोडै बेटि खालामदौ। थामहिनबा बिथाडा बलिनि सोलायै बेटिनि फोथारआवबो टी-20 इन्टरनेसनेल मेचआव गोदान वर्ल्ड रेकर्ड थिसन्दौ। टी-20 इन्टरनेसनेल मेचफोराव हान्जाफोरा गोखोडै बेटि खालामगासिनो दड। निउजिलेन्डनि हान्जाया अमाननि हेंथायै टी-20 मेचनि थामथि

बादायनायाव 128 रनखौ होसोदौ। जेराव 48 रनसिमआव बे हान्जाया 8 उइकेट गोमानादौमोन। बे समाव गात्रियै जेन्नायखौ रेखाथिनि थाखाय साकिल आहमेदआ 10 थि नम्बरआव बेटि खालामनानै 33 बलआव खेबथाम 4 रन आरो खेबनै 6 रनजौ 45 रननि इन्सि गेलेदौ। जेराव बेयो टी-20 इन्टरनेसनेल मेचआव बे बेटि पजिसनआव बांसिन रन लानाय रेकर्ड थिसनजादौ। बेनि सिगां बे रेकर्डआ वेस्ट इन्डिजनि स्पीन बलार अखिल हुसेइनि मुडव दडमोन। जेराव 2022 आव बिथाडा इलेन्डनि हेंथायै वृज टाउनआव गेलेनाय टी-20 मेचआव 44 रननि इन्सि गेलेदौमोन। बे फारिआव मालएसियानि पिट्टि शामआ 40 रनजौ थामथि मासिआव जायगा मोन्दौ।

राफेल नाडालआ मोनबो सिंगेल मेच गेलेयालासे आजिरानि लामायाव

माद्रिद, 17 नभेम्बर: स्पेनि टेनिस स्तर राफेल नाडालआ नख'रारि कर्टआव सिंगेल्स फेयारखेल मेच गेलेयालासेनो टेनिसनिफराय बिदाइ लानो हासिगौ। बिथाडा स्पेनआव गावनि बिदाइ टुर्नामेन्टआव हान्जाखौ जाफुसारहोनो हायाब्ला गोसोआव दुखुजौ गेलेनायनिफराय बिदाइ लानानो हागौ। थामहिनबा बिथाडा बे



टुर्नामेन्टआव हान्जाखौ देरहाहोनायजौ गोजेनलायनाय महरै टेनिसनिफराय आजिर लानो हागौ। बिथाडा मलागाआव डेभिच काप फाइनालआव सिंगेल्स बादायलायनायनिफराय जानगारआव थानो थिरांथा लानायनि लामायाव फेदौ।

थामहिनबा बिथाडा डेभिच कापनि उनावनो गेलेनायनिफराय आजिर लानो हासिगौ। 20 बोसोरनि गावनि केरियारनि जोबथा बुब्लिआव नाडालआ जोखोमनि जिंगायाव गोलैनाय दड। स्पेनि 38 बोसोर बैसोनि नाडालआ स्पेनिश टेनिस

फेडरसनजौ होनाय मोगा-मोगिआव गावनिफराय साबसिन दिन्धिफुनाय होनो नाजागोनखौ फोरमायनानै गावनि आजिर लासिगोननि सायाव इसारा होदौ। 2024 आव बिथाडा सिंगेल्सआव 12-7 देरहानाय आरो जेन्नाय रेकर्ड थिसन्दौ। जेराव मावख'यारि महरै जोबथा खेब बिथाडा थानाय आगस्ट दानआव पेरिस अलिम्पिकआव बाहागो लादौ। नाडालआ गावनि गोजाम बादायारि आरो गल्ड मेडलिस्ट नभाक जकभिचजौ बे टुर्नामेन्टनि नैथि राउन्डआव जेन्नादौमोन। बिथाडा कार्लस अल्कारेजजौ डबल्सनि क्वार्टर फाइनालाव सौहैदौमोन। थानाय दानआव बिथाडा सौदि

अरबआव खेबनै मोजां मेच गेलेदौमोन। बिथाडा बेनि सायाव स्पेनिन केपेन डेभिड फेरनिनिसिम गोबां समाव गावनि खामनि मावनायखौ फोरमायनानै गावनि आजिरानि फासै गोसो जानायखौबो फोरमायदौ। बे समाव बिथाडा गिबियावनो देरहानाय लामायाव हान्जाखौ जायगा होयो आरो बेनि उनावसो गावयारि दिन्धिफुनायनि सायाव गोसो होनायखौ फोरमायदौ। बिथानि हान्जा स्पेनआ नेडारलेन्डनि हेंथायै डेभिच कापआव मंगलबारखालि गिबि मेच गेलेगोन आरो बेयाव देरहायोब्ला शुक्र बारखालि कानाडा एबा जार्माननि हेंथायै सेमिफाइनलाव सौहैगोन।

फिफा वर्ल्ड काप 2026 नि थाखाय हान्जाफोरा थियारिआव मुखुब जानानै दड

वाशिंग्टन, 17 नभेम्बर: फिफा वर्ल्ड काप 2026 नि सिडिउल्लखौ सिगां समावनो फोसावनाय जादौ। बे मेगा टुर्नामेन्टआ निउजार्सिनि मेटलाइभ स्टेडियमआव 2026 नि 19 जुलाइखालि फाइनाल बादायनाय जागोन। फुटबलनि अन्सायगिरिफोरा बे टुर्नामेन्टनि थाखाय सोलिफु समनिफरायनो गावसोरनि बानबुंथायफोरखौ होगासिनो दड। थामहिनबा हान्जाफोरनि देरहागोनखौ लानानै बिथामोनहा गावसोरनि प्रेडिक्सनखौ होदौ। मुलुगनि फुटबल फसंथान फिफाआबो बेखो बान्जायनो थाखाय गावसोरनि सांघ्राथिखौ फोसावलाइजौ रोखा खालामदौ। 11 जुन 2026 निफराय जानो गोनां बे मेगा टुर्नामेन्टनि बेखेवजेन्नाय हाबाफारिआ मेक्सिक' सिटिनि एज'टेका स्टेडियमआव जागोन। दर 16 बान्जायगिरि सहरफोरनि नाजानायव मोन 48 हान्जाफोरा गोखोडै सेलेन्ज होज्जायगोन। गासै मोन 16 स्टेडियमफोराव बेनि थाखाय खेब 104 मेच बादायगोन। बे टुर्नामेन्टखौ बान्जायनो थाखाय दरथाम हादरफोर आमेरिका, कानाडा आरो मेक्सिक'आ जान्जि ख्राफ्रादौ। मेटलाइभ स्टेडियमआ 2010 निफरायनो गेलेनायनि थाखाय थियारि जाबोदौ। जेराव 2016 आव कपा आमेरिकानि



फाइनाल मेचआबो बे स्टेडियमआवनो खुंजादौ। सिडिउल्लनि बादिब्ला, टुर्नामेन्टनि खेब 104 मेचफोरनिफराय गासै खेब 103 मेचफोरनि थाखाय हान्जाफोरखौ बादायनायनि थाखाय सानथाम जियारहोनाय जागोन। फिफानि आफादगिरि जियनी इन्फेन्ट'आबो जारिमिनारि महरै दरथाम हादरजौ बान्जायनो गावसोरनि जान्जि ख्राफ्रानायखौ फोरमायदौ। बेनि थाखाय बिथाडा बान्जायगिरि हादरफोरनिफराय साबायख'र हर्दौ।